

LE RECEVIEL DE  
POESIE FRANCOYSE,  
PRINSE DE PLVSIEVRS  
Poetes, les plus excellentz  
de ce regne.

\*



A PARIS.

Par la veufue Françoys Regnault, à l'en-  
seigne de l'Elephant.

1555.

ЛЯСЧАЕЩИ  
СЛОВА СЛОВО  
СЛАУДИСА ВЪ  
СЛОВА СЛОВО



А ПУСК

ПУСКАЕМОСА РЕДИЛ  
ПУСКАЕМОСА РЕДИЛ

221

TRADUCTION D'VN EPI-  
gramme de Martial, commençant:  
*Vitam qui faciunt beatricem.*  
Par Clement  
Marot.



Oicy amy si tu le veulx scauoir,  
Qui fait à l'homme heureuse vie  
auoir:  
Successions, non biens acquis à  
peine,  
Feu en tout temps, maison plaisante & saine,  
Iamais proces, les membres bien dispos,  
Et au dedens vn esprit à repos,  
Sage simplesse, amys à soy pareilz,  
Table sans art, & sans gramds appareilz.  
Facilement avec toutes gens viure,  
Nuict sans nul soing, n'estre point pourtant ytre.  
Femme ioyeuse, & chaste neammoins,  
Dormir faisant que la nuict dure moins,  
Plus haut qu'on n'est, ne vouloir point attendre.  
Ne desirer la Mort, ny ne la craindre:  
Voyla amy si tu le veulx scauoir,  
Qui fait à l'homme heureuse vie auoir.

Aultre par l'esleu Macault.

Biens successifz & non acquis à peine,  
A ij

LE RECEVAIL DE

Terre fertile, & feu qui tonsiours dure,  
Iamais proces, peu de charge en vn regne,  
L'esprit posé, forte & saine nature,  
Simplesse saige, amys de sa mesure,  
Doulx entregent, repas non superflus,  
Nuict non troublée: ains deliure de cure,  
Femme ioyeuse, & pudique au surplus,  
Vn dormir court qui les nuictz ne mesure,  
Ce que lon est vouloir estre, & non plus,  
Ne desirer la mort, ne craindre aussi,  
Font viure l'homme heureux & sans soucy.

Les Eschez.

Puis que de vous i'ay apprins les eschez,  
C'est bien raison que les miens vous seachez.  
Le metz auant au lieu de huict pions  
Propos hardiz ainsi que Scipions,  
Qui combatant assaillent la barriere,  
Sans en veoir vn iamais tourner arriere:  
Enchascun front, les deixa Rocz font l'offire  
Ma foy constante, & mon loyal service,  
Et mes desirs prometteurs mensongiers,  
Seruent de folz volages & legiers.

Les cheualiers sont mes escriptz & res,  
Qui font vn fault aux autres tous dimers:  
Pour dame y'est mon esperance prise,  
Iamais oysine, & de grand' entreprise,

POESIE FRANCOISE.

En fin vn cœur qui long temps fut à moy,  
Est ores vostre, & le chef, & le Roy,  
Ferme & rassis, sans guieres se bouger.  
Car mieulx ailleurs il ne pourroit loger.  
D'assez de lieux il se sent deffie:  
Mais il est tant de vous fortifié,  
Que tous perdrons du mal l'intelligence,  
Aydant Dieu, vous & ma diligence.

Enigme.

**H**omme ne suys, oyseau poysson ne beste,  
Sans poil, sans peau, sans pidez, bras, iam  
be ou teste.  
Entendement ny aucune raison,  
Communement ie loge en la maison  
Des plus oyssiz, assaillant foyble & fort.  
Ce m'est tout vn, ie fais par tout effort.  
Ie cours de iour aussi bien que de nuit,  
Ie suis celuy qui trop au dormir nuyt.  
Et au repos, & combien que n'ay bouche,  
Quād il me plaist les vns ie poingrz & touche,  
Si tres au vif, qu'en me cuydant surprendre,  
Ilz font douleur à leur chair blâche & tendre,  
Tant que le sang en sort en maintz endroitz:  
Non plus ie crains le peuple que les Roys,  
Briefie suis tel que ie fais l'impossible.  
Car ie me rendz quand ie veulx inuisible,

A iiij

LE RECEVAIL DE

Et soit hyuer ou esté ie suis nud.  
Voy la pourquoy d'un chascun suis cougneu.

Compte nouveau.

VN bon esprit quand le beau iour l'esueille,  
Soubdain cognoist que ce n'est de merueille,  
Si en ce pauure & miserable monde,  
Prou de malheur & peu de bien abonde,  
Par ce qu'il veoit tout bien & quis compté,  
Plus y a uoir de mal que de bonté.  
Je dis cecy me souuenant d'yncompte,  
Lequel fut tel que certes i'ay grand honte,  
Toutes les fois que i'y tourne à penser,  
Et si n'estoit qui i'ay peur d'offenser,  
La netteté de noz chastes aureilles,  
Je le ferois, & vous orriez merueilles,  
Touchant le fait de certains malefices:  
Mais s'il est vray que les propos de vices,  
Sont moins nuysantz aux espritz vertueux,  
Lie de vertu, les actes fructueux,  
A gens peruers ne sont bons & vallables,  
Faire le puis: car voz meurs tart louables,  
Ia n'en seront pires (comme ie pense)  
Or dit le compte (afin que ie commence,  
Vous racompter ces estranges nouuelles )  
Qu'a Tours estoient quelques sœurs assez belles,  
De beau maintien & bonne contenance,

POESIE FRANCOYSE.

De quel estat, ie n'ay point souuenance,  
Sil me fut dit qu'en religion feussent,  
Ou qu'autrement de Nonne le nom eussent:  
Mais tant y a, que de leur compagnie  
Autant estoient, que Nonne signifie,  
Il suffiroit pour fournir vn couuent.  
Ces belles sœurs comme il aduient souuent.  
Que l'on n'a pas touſiours avecques soy  
Gens de ſa sorte, & de pareille foy:  
Ne ſcay comment s'etoient accompagnées  
De quelque rousse, ayant maintes menées,  
Mainte trafique, & plusieurs petitz tours,  
Aultresfois faitz en la ville de Tours.  
A dire vray à peine eust on ſceu faire,  
Vne alliance au monde plus contraire:  
Car celle la eſtoit d'autre stature,  
D'autre façon, de toute aultre nature,  
Que ſes neuf sœurs, lesquelles gentement  
Se contenoient, & fort honnêtement  
Taschoient garder fermeté immutable:  
Mais celle rousse eſtoit plus variable,  
Plus inconstante, & trop moins arrestée,  
Que n'est la plume au vent mise & iectée,  
Ou l'eau qui court par ces prez verdoyans.  
Qu'en aduient il? en tas de gens n'ayans  
Aultre ſoucy que d'auoir bon loysir,  
De ſatisfaire à leur mondain plaisir.

A iiiij

LE RECEVAIL DE

Voyans ces sœurs & leur compaigne telles,  
Tindrent propos de se ruer sur elles,  
Et en commun les trousser sur les rances,  
Sans aduisir qu'il estoient tous parens,  
Freres germains, la plus part & cousins,  
Ny sans auoir honte de leurs voisins.

Or pour iouyr d'elles plus aisement,  
Ilz feirent tant que tout premierement  
Furent par eulx celles là que i'ay dit.  
Laquelle auoit tout moyen & credit  
Enuers les sœurs, & si estoit propice,  
Pour faire aux gens tout plaisir & service,  
En tel endroit, selon leur vueil & guyse.  
Se voyant dont incitée & requise,  
Par telles gens, l'habille maquerelle,  
Delibera de porter la querelle,  
De leur legiere & folle volonté,  
Pour de ses sœurs vaincre la fermeté.  
Tant tournoya, tant vint & tant alla,  
Que d'une ou deux la constance esbranla.  
Et à la fin si bien la conuertit,  
Que tout à plat sur le champ l'abatit,  
Dont aux gallantz moult ioyeux & contens,  
Qui ne cherchoient pas meilleur passetemps,  
Creut le desir avecques l'esperance,  
D'auoir la reste au pourchas & instance,  
De celle la qu'ilz feirent preut trotter,

POESIE FRANCOYSE.

Sans luy donner le loysir d'arrester:  
Mais bien souuent si lvn d'eulx se mettoit,  
La pouure sotte aux piedz foullee estoit,  
En recompense, & pour mieulx luy apprendre  
A se haster, à celle fin de prendre,  
Et attraper les sœurs plus cautement.  
Ce qu'elle fait, de sorte que vrayement:  
Les pouures sœurs avecques leur constance,  
Ne sceurent tant faire de resistance  
A l'importun & ardent appetit,  
De ses gens là, que petit à petit,  
Soubz tant d'effors, soubz tant d'assaulx diuers  
Toutes à la fin ne cheussent à l'enuers,  
A quoy aussi celles qui se laissoient  
Ainsi gaigner, aydoient & s'efforçoient,  
Pour le plaisir de ses bons gaudisseurs,  
A ruyner quelqu' une de leurs sœurs,  
Tant bien apvins auoyent l'art & l'adresse  
De celle là, qui en estoit maistresse.  
Quoxt aux gallantz, tāt creut leur ardeur grāde,  
Et pour vn temps fut si chaulde & friande,  
Qu'à chascun coup qu'ilz se prenoient à elles,  
Contens n'estoient d'une ou deux des plus belles:  
Mais bien taschoient ces hommes peu rassis,  
A leur coucher en auoir cinq ou six.  
Conclusion quand tout fut despendsu,  
Et le beau temps trop follement perdu,

LE RECEVAIL DE

En les laissant toutes desamparées,  
Fort mal en ordre, en maintz lieux esgarées,  
Du pied au cul gentement leur donnerent,  
Puis à la fin vous les abandonnerent,  
A tous venans, chose presque incroyable,  
Et neantmoins certaine & véritable:  
Dont on deuroit faire inquisition,  
Et quant & quant iuste punition.

Genealogie des Roys de France, par  
le Seigneur des Essars.

**F**Rancoys le franc qui des francz chois,  
Fut des francz mis sur les Francoys,  
Sans sentir de tribut souffrance,  
Les Francoys affranchis de France.  
D'iceux Francoys francigenez,  
Priamus & Marcomenez,  
Anthenor & Genebaldus,  
Furent les quatre premiers Ducz.  
Depuis Pharamon Claudius,  
Phildebert & Meronius,  
Furent premiers Roys paganiques,  
Et cinquante deux catholiques,  
Ont succédé noz tributaires,  
Trois Roys Clouis, quatre Clotaires:  
Deux d'Angobers, trois Chilperis,  
Trois Childebers, deux Childeris.

POESIE FRANCOYSE

Trois Theodoris, & Lothaire,  
Vn petit Pepin debonnaire,  
Vn Hugues, vn Robert, vn Henry,  
Et vn Iean prisonnier marry.  
Huit Charles treshaultz & puissans,  
Et six Philippes florissans.  
Douze grandz Roys Loys nommez.  
De Dieu & des hommes aymez.  
Puis vn Francoys de hault renom,  
Plus que Cesar digne de nom.

Aultre Enigme.

**T**rois compagnons de Basle bien en ordre  
Et tant pollis qu'il n'y a que remordre,  
Mieulx vsitez aux perilz & hazardz,  
Que trois Hectors, ou bien que troys Cesars,  
Doivent en brief( ainsi comme lon dit )  
Etre aduancez, voire en si grand credit,  
Que plusieurs gens de legiere creance,  
Mettront en eulx leur foy & esperance,  
Se promettant (moyennant leur adresse)  
Ou tout malheur ou bien grande richesse:  
Pour ce qu'ilz ont ceste noble vertu,  
Que nul d'entre eulx ne fut onc abattu,  
Ny ne sera, d'honneur qui l'importe,  
Tant sont douez de prudence & fortune:  
Et ont eulx trois autant de force encors,

LE REGVEIL DE

Qu'il en y a en soixante & troys Mores,  
Ou qu'ilz auront autant d'eulox de flateurs,  
Qui les tiendront comme legislateurs,  
Et les croyrent mesmes sans mot senner:  
Mieux que plusieurs par beaucoup raisonner.  
Je ne scay pas s'ilz sont freres germains:  
Mais à les revoir au milieu des humains:  
Ilz sont trop mieulx l'un l'autre ressemblant,  
Que troys pigeons ou troys papillons blancz:  
Et si sont tous d'une haulteur ce semble.  
Ilz ne vont point qu'ilz ne marchent ensemble,  
Et quelque foys ne se trouuent que deux,  
Mais ces deux là ne sont moins hazardeux,  
Que si les troys estoient en la presence.  
Je ne diray meshuy ce que i'en pense.  
Ainsi que bien de brief tout se scaura:  
Mais pour le moins scachez qu'il y aura,  
Entre ceulx là qui suyuront leurs comptans,  
Peu de ioyeux & plusieurs mal contens.

Non plus sapere quam oportet.

Ballade de Science qui se complaint  
estre aujourd'huy villipendée.

O N veid iadis sappostz de ma facture,  
Par grande cure auoir la prelature  
Et nourriture, hault & bas des estatz,

POESIE FRANCOISE.

Quand tout estoit par vie entiere & pure,  
Mis en nature, avec litterature,  
Et l'escriture en infinit soulas:  
Mais quoy (helas) renuersé suis au bas,  
Pourtant le bas en grand' impatience,  
C'est vn grand cas que de veoir mon trespass,  
Et n'oser pas m'aduancer vn seul pas,  
A soustenir le pourpris de science.

Est il estat, est il professor  
En action, sans ma subuention?  
Inuention, sinon par mon secours?  
Qui met au sus la domination,  
Duration sans variation  
De nation, & dangereux discours?  
Par mes bons tours, les princes ont le cours,  
En leurs grandz cours, & royalle puissance,  
Orgueilleux ours, superbes, fiers & lourdz:  
Soyez tous gourdz, ne faictes plus les sourds  
A soustenir le party de science.

Pourroit on bien bon regime sçauoir,  
Sans se pourueoir de gens de bon sçauoir,  
Qui le debuoir facent de leur office?  
Ou est pouuoir, richesse, or, ou auoir,  
Qu'on puisse veoir sa fermete auoir  
Sans rien descheoir, si ne luy suis propice?  
Ou bien qu'on puisse entretenir Iustice  
D'où cas iuste ysse, hors de toute iniustice

LE RECVEL DE

De mal & vice, en bonne conscience?  
Du bien indice, & poursuy de malice  
Suis sans conuice, or suyuez tous ma lice,  
A soustenir le party de Science.

Princes mondains, empires ramparantz,  
Gens apparentz, venez petitz & grandz,  
Tous comparantz soubz mon obeyssance,  
Le bien comprendz, vertu ie vous apendz,  
Vice reprendz, tenez doncques mes ranez.  
A soustenir le party de science.

Dixain.

**Q** Vand on remoistre aux lascifz amoureux,  
Le mal qu'ilz font, de viure en leur or-  
dure,  
Tu n'es pas tant (respondent ilz) heureux  
D'auoir accez à telle creature.  
Puis qui leur dit: Cela tousiours ne dure,  
Et si pensez ore ce vous estre heur:  
A l'adueuir vous sera grand malheur.  
Mais aucun d'eulx il n'y a qui conçoive  
Plaisir mondain courrir soubz soy douleur,  
Le fol aussi ne croit tant qu'il reçoive.

Autre Ballade.

**B** Elle excedant la beaute angelique,  
Ma maistresse, ma dame singuliere,  
Plus à louer que ne peult rethorique,  
Pleine

POESIE FRANCOISE.

Pleine de grace, & de sçauoir entiere.  
Je le bien vostre humble & petit vassal,  
Homme lige, subiect & feodal  
Vous fay deuoir, feauté, foy, honimage  
D'un fief, lequel tiens de vous en seruage.  
Et que tenir aduoue devant tous:  
C'est mon desir, mon vouloir, mon courage,  
Mon cœur, mon bien qui sont mouuans de vous.

Denombrement certain & veridique,  
Des biens que tiens dessoubz vostre baniere  
Vous vueil bailler en sa forme autentique,  
Le tout en fief, sans chose roturiere,  
Ou pour le moins faire memorial.  
Impossible est, & par ce en general  
L'ame & le corps son mortel heritage  
I'aduoue tenir de vous en vasselage:  
Tout mon espoir, tous mes plaisirs absoulz,  
Tout mon desir, mon vouloir, mon courage,  
Mon cœur, mon bien, qui sont mouuans de vous.  
Tant que dormez tout mon esprit s'applique  
Veiller à vous, & en ceste maniere,  
De doulx penser, les fruietz cueille & pratique,  
Au feu d'amours, qui me fert de lumiere.  
Et si quelqu'un tant me vouloit de mal  
Que dire osast que fusse desloyal,  
Ou qu'eusse fait felonnie & outrage,  
Pour le combat luy presente mon gage:

Cet

LE RECEVIL DE

Car si i'estoys cheu en vostre courroux,  
Par mon forfaict, perdrois selon l'ysage,  
Mon cœur, mon bien, qui sont mouuans de vous.

Belles croyez que tout mon temps & aage,  
Vous seruiray, qui dueil en ayt ou rage.  
Et quand mourray de maladie ou cours,  
Vous saisirez comme dame au passage,  
Mon cœur, mon bien, qui sont mouuans de vous.

Description des graces & beaultez recueillies par vn amant, au corps & habillemens de sa dame.

**Q**ui vouldra veoir en vn corps bien vniies  
Mille beaultez, & graces infinies,  
Plus que n'en eut iadis la Grecque  
Helaine,  
En contemplant ma dame & souueraine,  
Content sera ores de sens rassis,  
Que luy en prouue seulement trente six.  
Premierement elle a noire vesture,  
Les sourcilz, noirs, yeulx de mesme tainture,  
Le linge blanc, les dentz & gorge blanches,  
Le tetin rond, les cuisses & les hanches,  
Les cheueulx longs, long corps, longue encoleure,  
Con, bouche & piedz de petite mesture,  
Large estomach, l'espaulle aussi le front,  
Sur vn visage ouuert, aymable & prompt.  
Le ventre court, courte dent, courte aureille,

L'esprie

POESIE FRANCOYSE.

L'esprit subtil, l'œil, la langue pareille,  
Les doigtz, menuz, tăt des piedz que des mains,  
Menu corsage, aymé de tous humains,  
Fermes tetins, ferme cuisse & collet,  
Mollettes mains, genoulx, menton mollet,  
L'œil vn peu gros, gros cul, & grosse mote,  
Le tout parfaict ainsi que le vous notte,  
Quand au surplus ne l'oserois ie dire?  
Nenry, craignant que lon iuge mon dire,  
Estre deceu par vicioux scauoir:  
Mais qui pourroit empescher mon deuoir?  
Qui me defend de la louer aussi,  
Puis que ie l'ayme, & puis qu'il est ainsi?  
Certainement encor outre ces graces,  
A d'autres biens, dont à Dieu ie rendz graces,  
Passans en tout la fleur de sa personne:  
Car son esprit est au corps si consonne,  
Son parler plein de telle humilité,  
Son cœur remply de si grand' fermeté,  
Et sa douleur de bonté si parfaicté,  
Que sans mentir elle semble estre faicté  
Pour estre veue, aymée & regardée.  
Par moy sera doncques si bien gardé,  
Si bien traictée, honoree & servie,  
Sans luy faillir vn seul iour de ma vie:  
Que i'ay espoir qu'apres ma longue attente,  
Elle rendra ma volonté contente.

B

LE RECEVEIL DE  
Blason des cheueulx.

Cheueulx seul remede & confort,  
De mon mal violent & fort,  
Cheueulx longz, blancz & destiez,  
Qui mon cœur si tresfort lyez,  
Que plus il veult tendre & tascher,  
A se distraire & destacher,  
Plus il est pris & mieulx estrainct,  
Plus est de demourer contrainct.  
Cheueulx qui feuëtes l'ouverture,  
Du grand chef d'oeuvre de nature,  
Que le ciel qui tout clost & voit,  
A monstre combien il pouuoit  
Amasser en petite espace,  
De beaulté & de bonne grace,  
Cheueulx qui sceustes estranger,  
Moy de moy mesme & me changer,  
Tellement que ie vous accuse,  
De l'effect de ceulx de Meduse,  
N'ayant rendu vn corps sans ame,  
Ou plustost vne viue flamme.)  
Ah cheueulx n'avez nul regret,  
De vous veoir en lieu si secret,  
Loing de voz compaignons dorez,  
Qui du monde sont adorez.  
Celle qui en peult ordonner,

POESIE FRANCOYSE.

A moy vous a voulu donner,  
Pour apuy de ma foible vie,  
Dont vous n'auriez dueil ny enuie,  
Si vous scaiez, ô blondz cheueux,  
Quel est le bien que ie vous veulx:  
Le moindre de vous m'est plus cher,  
Qu'autre amye entiere toucher,  
Ne que les thresors assemblez,  
Du fin or, que vous ressemblez,  
Et toutesfois pour estre miens,  
N'ayez paour de n'estre point siens:  
Elle ne congnoist rien à soy  
Plus sien, que ce qui est à moy:  
Au moins en ceste qualité,  
Auons nous quelque esgalité.  
Si vn siz eau vous fait oultraige,  
Vn dard m'en fait bien d'aduantage:  
Il y part à mon œil estainct,  
Et vous n'en changez point de tainct,  
Qui vous est plaisir & bon heur,  
En perte de si grand honneur,  
Ceulx dont vous estes separez  
Sont (peult estre) ores mieulx parez:  
Mais si sont ilz en ce danger,  
De se veoir par le temps changer,  
Et d'or en argent conuertis,  
Dequoy vous estes garentis:

LE RECEVIEL DE

Car tant ne vous y peult contraindre.  
Et quant bien vous le deuriez craindre  
Cheueulx, vous estes à vn maistre,  
Qui vous oseroit bien promettre,  
Et au chef dont estes venuz  
Qu'au lieu de deuenir chanuz  
Il fera que les cours des ans,  
Vous rendra plus beaux & plaisans:  
On ne voit point pour fortz yuers,  
Les lauriers moins fueilluz & verts,  
Le beau Dieu qui en print la cure.  
Les defend de cœleste iniure,  
Et ie feray tant, si ie puis,  
Aydant celle à qui ie suis,  
Que mes honneurs vous seront telz.  
Qu'elle & vous serez immortelz.

Du cloistre de la langue.

**D**equoy fert il auoir maison sans porte?  
Dequoy fert il quand belle bource on porte  
Pleine d'argent, si n'a point de lien?  
Cela bien peu prouffite, ou du tout rien:  
Et moins la langue, encor que soit diserte,  
S'a tous propos sans closture est ouverte.

Le cuer reprend l'œil de regard trop  
volaige, vers Alexandrins.

POESIE FRANCOYSE.

**N**E pourrois-tu mon oeil, vn petit t'engarder,  
Te ietter si souuent sur son luyuant visage?  
Plus la regardes, plus tu la veux regarder,  
Et par ton fol regard ie suis en vne rage.  
Je te pry, que tu sois dores nauant plus sage,  
Que ta legierete n'augmente ma douleur:  
Elle est vn Paragon, mais quoy tu n'es pas seur  
De l'attirer à toy, & danger est à craindre,  
Parquoy pour ne töber en vn plus grād malheur,  
N'allumes point le feu que ne pourras esteindre.

Le soulas ou dur depart de  
son alliance.

**C**E que par bouche mon cœur ne vous peult  
dire,  
A vous l'escrire n'a voulu contredire  
C'est vn adieu à vostre dur depart,  
Non pas à tous seulement à sa part:  
Car & comment pourroit vn cœur si gros,  
Vous dire adieu, en ferme & sain propos  
O mon las cœur, d'amours tant ennobly,  
Pourras tu bien iamais mettre en oubly  
Ton alliance, par tout bien & honneur?  
Espere tu recevoir aucun heur,  
Ainsi priué desormais de la veue,  
De celle là qui d'honneur est pourue?  
Viuras tu bien seulet en la haulte tour

LE RECEVAIL DE

En attendant son desiré retour?  
Nenny, certes si tu veulx amour suyure,  
Possible n'est laisser sa dame & viure.  
Le souuenir de sa grande prudence,  
Du hault maintien & ferme contenance,  
Du vif regard & son reluysant œil,  
Augmentera de iour en iour ton dueil,  
Son noble cœur, son tresgentil corsage,  
Sa claire voix, & son courtoys langage,  
Brief ses vertuz passent toutes richesses  
Au souuenir, & liurent griefues opresses.  
De plus parfaicte n'y a dessus la terre,  
Tout bien en elle resplendit comme verre,  
Elle est ieune, riche & bien endoctrinée,  
Et de nature à tout bien faire née,  
Dont ie maintiens pour tout conclusion.  
Qui de son corps aura prouision,  
Se peult nommer tresheureux en tout temps,  
Et d'un tel heur se tenir pour content.  
Je n'ay donc tort d'auoir ceste inconstance,  
Que ne luy puis dire adieu en presence.  
Si luy diray ie, Or adieu ma deuise,  
A dieu seule qui mon las cœur diuise,  
A dieu vous dis mon soulas, & confort,  
A dieu celle dont vient le doulx remort,  
A dieu maintien dont tel douleur en sorte,  
Qu'impossible est qu'à d'autre ie m'assorte,

POESIE FRANCOYSE.

A dieu gent corps, si droict & gracieux,  
A dieu regard qui me perce les yeulx,  
A dieu vous dis ma treschere alliance,  
A dieu mon bien, m'amour & ma plaisirce.  
A dieu lyesse & mon soulas aussi,  
En lieu de ioye plus n'auray que soucy.  
Il ne m'en chault mais que saine soyez,  
Et que iamais tristesse vous n'ayez:  
Car de ma part ne peult estre vainqueur,  
Des grandz regrez que porte dolent cœur,  
Qui toutesfois à vous se recommande,  
Plus mille fois & mieulx que ne vous mande,  
En vous priant que pendant vostre absence,  
Ne le changez pour d'autre l'accointance.  
Ie n'ay pas peur que vous soyez surprise,  
Pour la valleur qui est en vous comprise:  
Et proteste qu'en tous les lieux & places,  
Voz beaulx maintiens, voz honneurs, bonnes  
graces,  
De ferme foy, & d'un vouloir parfait,  
Gardera tant que mort l'aura deffait.

A vn superbe detracteur.

**F**vreur vient apres patience,  
Il n'est si nette conscience,  
Qui peult de courroux s'abstenir,  
Voyant yn tel badault venir,

B iiiij

LE RECEVIEL DE

Vnasne sans literature,  
Parler d'autruy à l'aumenture,  
Et non parler tant seulement,  
Mais blasmer outrageusement  
Escript, ou il n'y entend notte.  
Tu scays(badault) que ie te notte,  
Et si mieux ie te connoissois,  
Tu sentirois (qui que tu soys)  
Quand ce vient à donner replique,  
Si ie scay frapper de la picque.  
Mes escriptz ne te plaisent point,  
Et par ce ta langue me poingt,  
Mais i'ayme mieulx qu'ilz te desplaisent,  
Que tu les leues, & te plaisent,  
Il fault aux asnes des chardons.  
Souuent quand blasmer nous cuydons,  
Nous donnons vne grand' louange,  
Mais si tu trouves trop estrange  
Que i'ay mis rithmes en auant,  
Ie te pry, ô homme scawant,  
Fai re l'honneur à mon escripre,  
De iamais ne le veoir & lire.

A vn amy ingrat.

Cais tu dequoy, depuis sept ans ie vis,  
**S**Qui est le temps que depuis ne te veiz!  
Dueil & ennuy langourense tristesse,  
Regret

POESIE FRANCOISE

Regret trop grand, desperée destresse,  
Ce sont les metz (helas ma foy premiere)  
Qui me font viure en piteuse maniere:  
Car de te veoir iamais plus ie n'espere,  
Veu le grand mal que ta voulu mon pere.  
Helas amy, i'ay bien scens les ennuiez,  
Qu'as endure tant de iours que de nuiez,  
Depuis le temps que mauditte fortune,  
Fut de nous deux jalouse & importune?  
Nouuelle telle amoindry n'a mon dueil,  
Mais augmenté les larmes à mon oeil.  
Et ce qui plus donne fin à mes iours,  
C'est que i'ay scens dernierement à Tours,  
Qu'en autre part as ton amour posée  
Femme prenant, que tu as espousée,  
Cela n'est pas ce que m'auois promis.  
En ce temps la, qu'a ton vueil me soubz mis,  
Tu me promis, dont tresbien suis records,  
Que noz deux coeurs seroient en vn seul corps,  
Et que la mort ne nous separeroit,  
Mais que tousiours nostre amour dureroit.  
Or maintenant ie te veulx accuser,  
Sans que de rien tu te puise excuser,  
Qu'as oublié pour vne seconde M.  
Ceste premiere, helas qui si fort t'ayme,  
La raison veult pourtant que preigne bien,  
Le si long temps qu'as demouré non mie.

LE RECVEIL DE

Estant aussi comme on m'auoit promise  
Par mariage à vne autre submise:  
Et toutesfois on n'a peu par lyen,  
Diminuer nostre amytié en rien.  
Pourquoy doncques aura plus de pouoir,  
Cil que l'autre si n'en as le vouloir.  
Garde t'en bien, à cela te coniure,  
Par celle foy que ie te tiens tant seure.  
Humble requeste aussi ie te veulx faire,  
C'est que ne vueille nostre amytié deffaire,  
Car pour ma part & moy & tous mes biens  
Sont ia à toy, & pour telz les retiens.  
Et nonobstant par quelque longue absence,  
Qui ayt banny de nous deux la presence,  
S'il te plaisoit quelque iour de me voir  
En ce pays, ie te faitz à sçauoir,  
Avant que plus du surplus te rescrire,  
Que iouyras de ce que n'ose dire,  
Qu'as esperé par vn si tres long temps:  
Lors nouz serons plus ioyeux & contens.  
Voyla la fin de ma tant triste lettre,  
Te suppliant à desdain ne la mettre.  
Et plus aussi que cest' M seconde.  
Reçoiue à bien ma douleur si profonde,  
Elle en a l'ayse & i'en ay la tristesse,  
Ie suis la serue & elle ma maistresse,  
Et comme telle en douleur ie la sers,

POESIE FRANCOISE.

Combien que mieux ie merite & dessers:  
O cher amy, Dieu te doint telz desirs,  
Trop plus que n'as de ioyes & plaisirs,  
La tienne foy qu'as estimé premiere,  
Dieu par sa grace en face la derniere.

Epistre dvn gentilhomme à vne dame  
en prenant congé d'elle.

Il me desplaist(madame) que mon sort  
M'a de mes fins reculé si tresfort,  
Que plus i'ay pris à le poursuyure peine,  
Plus a esté toute poursuyte vaine.  
Il me desplaist(dis ie) que suys contrainct  
Vous declairer le mal qui tant m'estrainct,  
Lequel aussi(comme i'ay apperceut)  
Evidemment vous mesmes avez sceu,  
En vous plaignant que vous ayant laissée,  
I'ay amytié vers vne autre adressesée.

Ce cas vous a semblé par trop estrange,  
Dequoy i'ay fait, de vous à autre change,  
Aussi seroit cas merueilleux à veoir,  
Que de ma part ne feisse mon devoir,  
En fermeté icelle entretenir,  
Qui me voudroit son seruant retenir:  
Mais ie feray vn singulier serment,  
Que i'ay tousiours aymé tresfermement  
En loyauté, & lounable constance,

LE RECUEIL DE

Où i'ay cognu auoir persuerance:  
Mais (au contraire) à vn cœur variable,  
De m'arrester n'ay trouué conuenable,  
Et ne scaurois estre en cela blasmé,  
De celle aymer de qui ie suis aymé,  
Et de fuyr celle, pour me changer,  
Qui a aymé plus que moy, estranger.

Estimez vous, qu'un noble & parfait cœur,  
Vueille souffrir en soy ce deshonneur,  
Aymer autruy trescordialement  
Et n'estre point aymé, que faintement?  
Quand à ma part, i'ayme d'amour parfait  
Où ie cognois qu'on m'ayme par effect:  
Voila pourquoy maintenant contrainct suis,  
De mettre à fin cela que ie poursuis.  
Et pour un cas qui trop est à reprendre,  
De vous aussi (ma dame) congé prendre.  
Je ne scaurois à droict estre repris,  
Si delaissé, autre adresse i'ay pris:  
Et par ainsi congé de vous ie prends  
Et par congé vostre amour ie vous rends  
Vous requerant que ne blasmez l'affaire,  
Lequel sans vous, encors fut à faire.  
Et outre plus, vous pry, que vous souviennem  
(Afin qu'aucun, pour sa dame vous tienne)  
Que vostre amour luy soit aussi patient,  
Loyal sur tout pour le rendre content.

POESIE FRANCOYSE.

A monsieur de Bœssieux, Abbé de  
saint Pierre de Vienne.

**A**ristippus, philosophe approuné,  
Et homme saige, entre saiges trouvéé,  
Interrogué qu'il donnast certitude,  
Comme on pourroit fuyr ingratitudo,  
Ne respondit à faire le deuoir:  
Mais d'employer l'effort de son pouoir,  
En nous donnant par ces motz à entendre,  
Que ce n'estoit, de la pareille rendre:  
Car autrement, certes il s'ensuyuroit,  
Que qui du bien recompense deuroit,  
Ne la faisant en portion tresiuste,  
Seroit nommé homme ingrat & iniuste,  
C'est donc assez, à qui est debiteur,  
Sil recongnoist tousiours son crediteur:  
Le congnissant, debiteur se confesse,  
Le confessant qu'il mette peine expresse,  
Que par luy soit au debte satisfait,  
Lors le vouloir est reputé pour fait.  
Cecy ie diz (Abbé tresuenerable  
Sur tous Prelats, la fleur incomparable,  
Prelat doué de grand' perfection)  
Cecy ie diz par excusation,  
Sentant en moy que l'affaire me touche,  
On me pourroit faire iuste reproche,

LE RECEVEMENT DE

D'auoir esté de vous mescongnoissant,  
Si mon vouloir debiles congnoissant,  
A tout le moins n'estendoit ma puissance,  
Par le vouloir faire recongnoissance:  
Car tous voz biens par biens recompenser,  
Je ne pourrois de fait, ne de penser,  
Penser ie puis, qu'il m'est trop impossible  
De satisfaire à l'honneur incredible,  
Et au grand bien que i'ay de vous receu.  
Mais ce vouloir en ce penser conceu,  
Est (par deffault de puissance) inutile.  
Je vouldrois bien sembler le champ fertile,  
Ayant pouoir (prelat) gaigner ce pris,  
De redoubler cela que i'aurois pris,  
Combien pourtant que ne pourrois tant faire,  
Que dignement vous peusse satisfaire.  
A ce ie pense, & (pour parler au vray)  
I'y dois penser tout temps que ie viuray.  
Car i'ay de vous (quoy que ie fusse estrange)  
Receu grand bien, conioinct à grand louange.  
I'ay tant receu, que de seul souuenir,  
Me fait (monsieur) tout honteux deuenir:  
I'ay tant receu, que la main liberalle,  
En a esmeu la nation ruralle:  
Car quelques setz ne congnoissans pourquoy,  
Il vous plaisoit faire estime de moy,  
En me iugeant par leur trop grosse teste,

POESIE FRANOYSE.

Qu'estre deuois (comme vn chascun d'eulx) beste,  
Ont contre moy, à la fin machine,  
Et iour & nuit, ça & là mutiné,  
En taschant fort, par leurs occultz mysteres,  
Vous diuertir, & messeigneurs voz freres,  
Qu'ont ilz gaigné ces vaillantz langagers?  
Ilz estimoient trouuer des cœurs legers,  
Qui à leur gré à tous ventz variassent,  
Et sans raison contre raison tournassent.  
Ilz estimoient qu'on feroit plus d'honneur,  
À vn flatard, & à vn iargonneur,  
Qui ont cent fois leur langue refrippée,  
Et auallant ceste franche lippée,  
Ne sçauantz rien, que de nombre seruir,  
Qui à icelluy, qui se veult asseruir  
Par son escript (en disant verité)  
Recommander à la posterité.  
Mais ilz sont bien eslongnez de l'attente,  
Ou reposoit leur malice latente,  
Car vous a pleu d'un vouloir tresconstant,  
Entretenir un amour persistant:  
Non seulement persistant en presence  
(Côme en quelqu'vns) mais plus fort en l'absence,  
Doncques ce n'est sans tresiuste raison,  
Si honnoré de tant noble maison,  
Illuminé (monsieur) de vostre lustre,  
Par mes escriptz à mon pouvoir l'illustre.

Elle

LE RECVEL DE

Elle a assez par son antiquité,  
En tout pays s'acquis d'autorité.  
Elle est de tous entierement aymée,  
Elle est par tout en honneur renommée.  
Elle n'a donc de mes escripz besoing.

Ce nonobstant ie mettray tout mon soing,  
Si ne la puis par cecy faire croistre,  
A tout le moins de la faire apparoistre  
Aux estrangers, faisant tant qu'en tous lieux,  
On cognoistra la maison de Bœssieux.

De hayne & amour.

**H**Ayne & amour, ont assailly mon cœur,  
Et mon esprit tourmentent là & là.  
Hayne est plus fort pour le bō droit qu'il a:  
Mais ie croy bien qu'amour sera vainqueur.

En toy ne scay que louer ou blasmer,  
Le hays tes meurs, assez me plaist ton corps,  
Parquoy ne puis estant en telz discordz  
Te vouloir bien ne laisser à t'aymer.

Si hayr puis volontiers ie hayr ay,  
Si ie ne puis par contrainte aymeray:  
Le bœuf son ioug n'ayme en aucune sorte,  
Et toutesfois ce que plus hayt il porte.

Hayr ie veux, & si ne le peult estre  
Ce que ie hay, ô qu'il fasche à porter,  
Chose qu'on a vouloir de reiester!

Quand

POESIE FRANCOYSE.

Quand on ne peut de son faiz estre maistre.

Douleur & volupté.

L'Oeil abaissé sur face extenuée,  
Sur front serain, pluuiueuse nuée,  
Et bouche viue, vne parolle morte,  
Triste regard, qui maintz aises comporte,  
Le promener en penser consommé,  
Rude & hastif plus que l'accoustumé,  
Telz apparens & autres accidens,  
De voz secretz rapporteurs euidens,  
M'auoient tenu certain de la douleur,  
Que promettoit vostre pasle couleur.  
Grande elle estoit, mais ne fut que demye,  
Quand ie la scie, car vous estes m'amye:  
Et comme est vray que noz cœurs ne sont qu'un,  
Ainsi de nous bien & mal est commun,  
Si recepuez vn plaisir ie le sens,  
Si vous souffrez aucun mal, ie consens,  
Qu'incontinent mon cœur en soit chargé  
De la moitié, & le vostre allegé.  
Ainsi faisant de vray amy devoir,  
Je croy le mal que vous pensez auoir,  
En verité estre de deux pars moindre,  
Que le malheur qu'en lettre voulez paindre:  
Car si de ioye ensemble iouyssons,  
C'est bien raison que l'ennuy partissons,

LE RECEVAIL DE

*Et de douleur également partie,  
De voz deux pars la plus grande est sortie  
Me l'escrivant, ie scay ce qui tourmente,  
Et comme dueil diminue ou augmente,  
Tenez vous en sur moy toute assurée,  
Que la douleur qui vous est demourée,  
N'est rien au pris de ce qu'elle eust été,  
Si mon cœur n'eust le vostre supporté,  
Vous me direz ce que dire scauez,  
Quand au plaisir ou passetemps avez,  
Que le dernier par amour que vous eustes,  
Est le plus grand que iamais vous receustes.  
Semblablement quand peu de mal sentez,  
Non seulement vous en mescontentez,  
Et ne voulez ny conseil, ny raison:  
Mais le mettez hors de comparaison.  
Il ne vous faut, ny lvn, ny l'autre croire:  
Car cela vient de recente memoire,  
Qui peut tromper en ayse & en tourment,  
De tout amant le deceu iugement,  
Et que tousiours le bien ou le mal pense,  
Tel en grandeur qu'il est en souuenance.  
Or soit l'escritt, que de larmes baignez  
Vray, & l'ennuy tout tel que le paignez,  
Nul mal ne soit veu au nostre semblable,  
Je le vous veux prouer plus consolable,  
En vostre endroit mis à l'extremité,*

POESIE FRANCOYSE.

Que s'il estoit reduit à l'equité,  
En vous monſtrant (ſelon couſtume mienne)  
Les veritez deſſoubz fable ancienne.

On dit qu'estant Iupiter de loysir,  
Auecques l'œil tout voyant ſeut choysir,  
En ce bas lieu deux dames imprudentes,  
D'orribles criz ſi haultement bruyantes,  
Que l'eppeſſeur du ciel en fut fendue,  
Et leur querelle en ſon trosne entendue.

L'yne monſtroit à ſa melancolie  
Eſtre Douleur, parente de Follie,  
Pleines de pleurs & de parolles dures,  
Se recentant de ſouffertes iniures,  
Et de collere eſcumante irritée  
Volupté, l'autre eſtoit plus affectée,  
Vſant de cry tenant de mocquerie,  
Qui redoubloit à Douleur ſa furie.  
Leur courroux fut tant crié & redit,  
Que Iupiter vers elles descendit.

Luy arriué chascune ſ'eſlongna:  
Mais toutes deux, par le poi empoigna,  
Et pourvnir les furieuses bestes,  
Si fort les feit entredo nner des testes,  
Qu'oncques depuis, de heurter ne cesserent.  
Là les cheueux ſi bien ſ'entrelacerent,  
Qu'encores ſont meſlées leurs racines,  
Et des deux chefz les ſommitez voisines

C ii

LE RECEVIEL DE

Pour nous monstrarer quand par iniure ou faute,  
Vne douleur se fait sentir si haulte,  
Que plus ne peut par nature monter,  
Qu'il faut son cœur de constance dompter,  
Luy promettant si bien peu fait attendre,  
Que son mal doibt en volupté descendre,  
Et comme aurons contrainct nostre vouloir,  
A endurer & ne se trop doulloir,  
Semblablement la fable fault ouyr  
Qui nous defend de nous trop resiouyr,  
Quand au plus hault de volupté nous sommes.  
Ces deux tyrans sur la vie des hommes,  
Touſtours ont heu & auront grand puissance,  
Il nous les faut vaincre de diligence,  
D'inductriex & penible artifice,  
En tous les deux est requis l'exercice,  
Qui ne veut point en grand douleur tomber,  
Ou y tombant iamais n'y succumber.  
Essayer fault les peines douloureuses,  
Les loix des Grecz saiges & vertueuses,  
De deshonneur les iunes accusoyent,  
Quand au trauail ou douleur recusoyent,  
Et les parens qui leurs enfans aymoient  
A souffrir mal tous les acoustimoient,  
Les passetemps entre eux n'estoyent loyfibles,  
Silz ne sembloient dangereux ou penibles,  
Et la raison de telle loy maistresse,

POESIE FRANCOYSE.

Estoit qu'ayant accoustumé ieunesse,  
A soustenir le trauail voluntaire,  
La rendoit forte & prompte au necessaire.  
Si repousser failloit ses ennemys,  
Ou inhumer les corps de leurs amys:  
Le long vsage & dure acoustumance,  
Armoient leur cœur de telle patience,  
Que d'autre auoient & d'eux mesmes victoire,  
Ce qu'il ne faut tenir à peu de gloire.  
Laissons les Grecz, venons à vous apprendre,  
Ce qui vous peut victorieuse rendre,  
De grand douleur, car quand à la pensee,  
Penser la fault petite ou effacée.  
Je dis que quand les peines se presentent,  
Bien que voz cœurs foibles s'en mescontentent,  
Que ne deuez pourtant les euyter,  
Mais prendre en ieu, & vous exerciter,  
Ayant regard aux pires aduentures,  
Que le present vous fait iuger futures.  
Quand vn mary qui d'ennuyer ne cesse,  
S'en va dehors & liberté vous laisse,  
C'est vn grand mal, mais si vous l'endurez,  
Et vostre esprit en absence asseurez,  
Ce que pensez malheur vous seruira:  
Lors que l'ennuy pour iamais s'en yra,  
Plus aysement sa mort supporterez,  
Ne point en pleurs le temps consomerez,

LE RECEVAIL DE

Qu'il fault donner sans ioye & sans tour-  
ment,

Au conducteur de vostre entendement.

Nous ne deuons pretendre en tous propos,

Que d'acquerir aux esperitz repos.

Ce que ferions si ces deux passions,

Subtilement vaincre nous efforcions.

Quand à douleur, ce que i'ay dit suffise,

Si nous craignons que Volupté destruyse

Le bon de nous, & le plus precieux,

Vaincre nous fault Cupido l'ocieux,

Par vn louable & plaisant exercice,

Suyuant plustost nature que malice:

De Volupté la plus grand passion,

Est de l'amour la perturbation,

Afin qu'un cœur en soit vainqueur & maître,

Il fault sa fin & ses moyens cognoistre,

Si n'en avez entiere cognissance.

Scachez de moy qu'on le pain et en enfance,

Plein de douceur, & fier en sa vieillesse,

Et que du traict premier qui nous adresse,

Viennent soulas, enuies, & desirs,

Souffrant baisers, approches & plaisirs,

Que ne deuez à l'amy refuser:

Mais prendre en ieu, non pour en abuser,

Ne pour le temps en ioye consommer,

POESIE FRANCOYSE.

Ains seulement pour vous acoustumer,  
A trop d'amour iamais ne succumber.  
Un bon lutteur se laisse bien tomber  
Aucunesfois, soubz moins puissant que  
luy.

Pour espreuuer que peut faire celluy,  
Contre lequel pour l'honneur faut comba-  
tre.

Sil luy aduient fortune de l'abatre.

Faignons qu'amour de noz plaisirs auëteur,  
En son ieune aage apprend d'estre lutteur.  
Vaut il pas mieux avecques luy lutter,  
Et la douceur de l'enfance gouster,  
Quand l'abbatu ne peut tomber de haut,  
Que de se mettre en danger d'vn grand  
saut?

Qu'il donneroit sa vieillesse venue,  
A qui seroit sa ruz e non cogneue.  
C'est abbateur toutesfois que ie dy,  
Combien qu'il soit fier, vieillard estourdy,  
Si n'est il pas rapporteur de malaise,  
Impossible est que grand plaisir desplaise.

On le dit fier pour faire à telle entendre,  
Qui se voudra contre l'amour defendre,  
Et qui n'aura son cœur exercité,  
Ains les effors de ieunesse eu ité,  
Que ce vieillard en meur aage viendra,

LE RECEVIEL DE

Ou tellement l'inexperte prendra,  
Que l'esperit qui est la part meilleure,  
Et qui en nous pour gouverner demeure  
D'ayse surpris & trouble servira,  
La volupté qui depuis conduyra,  
Ses actions sans aucun iugement,  
Il en aduient aux amys autrement:  
S'ilz ont suuy l'amoureux exercice,  
En eux se garde vne grande iustice,  
Ce qu'appartient à vn chascun ilz rendent.  
A Dieu l'esprit, & pource qu'ilz entendent,  
Que le corps n'est que terre en chair reduite,  
Donnent au corps d'amy qui le merite.  
Rien ne leur peut trop amour desguiser,  
Suyuant le bien, & ce qu'il fault priser,  
Et d'autant plus que l'esperit reposé,  
Nommer heureux en malheur ie les ose,  
Pour acquerir le repos que ie loue,  
Faut qu'vn chascun de volupté se ioue.  
Puis que l'homme est nommé le ieu des dieux,  
Iouer se doit à ieu non odieux,  
A son facteur qu'il voit comme il doit eſtre  
Aymé sur tous, & recongnen pour maistre.  
Ce que iamais de celluy ne seroit,  
Qui en amour ne s'exerciteroit:  
Car n'aymant rien on vient à tant greuer,  
Qu'on ne veut Dieu que l'amour estimer,

POESIE FRANCOYSE.

Ne point du tout, ou trop aymer est vice.  
Mais s'en iouer & prendre en exercice,  
Ce sont vertuz & mediocritez,  
Fuyr ne faut que les extremitez.  
Estre trop belle, estre trop poursuywie,  
Des ses beautez engendrer trop d'envie,  
Nous auons veu qu'a plusieurs a peu nuyre.  
Helene Grecque en scauroit trop que dire,  
De vouloir trop estre aymee & heureuse,  
Demander fault à Iuno la ialeuse,  
Au temps passé ce qu'il luy en aduint,  
Quand Iupiter trop bon mary deuint.  
Elle prenant à deshonneur & honte,  
Qu'on tint si peu de sa richesse compte,  
Sachant assez, & ne se voulant taire,  
Que son mary eut le bruct d'adultaire:  
Ses souspeçons à Venus descouurit,  
Et les secretz de son couraige ouurit,  
Laquelle ayant de telle amour pitié,  
Laisstant à part la vieille inimitié,  
La repara de sa chere ceinture,  
Ou mainte grace estoit en pourtraicture.  
Lors Iupiter qui point ne s'en doutoit,  
Et qui Iuno comme femme traictoit,  
Venant des lieux dont il estoit mescreu,  
De retourner satisfait & recreu.  
Luy arriué la rencontra si belle,

LE RECVEIL D

En si bon point, si peu semblant à elle,  
Que sans penser au terrestre plaisir,  
T'accourut en si pressé desir,  
Que la baisant, & voulant s'aduancer,  
Paracheua devant que commeneer,  
Et laissa cheoir la liqueur de Venus,  
Dont les fleurs sont en noz iardins venus.  
Le demourant vous pourroit offenser,  
Je vous lairray tant seulement penser,  
Si volupté fut proche de Douleur:  
Ou si Iuno changea point de couleur,  
Quand au printemps les fleurs se presentoient,  
Qui au despens d'elle faictes estoient:  
Ou s'elle fut sur la terre ennuyeuse,  
Qui eust receu graine si fructueuse.  
Que si la prune en amour consommée,  
Au parauant se fust accoustumée,  
A peu de dueil & peu de volupté,  
La fable au ciel d'elle n'eust pas esté,  
Telle qu'elle est: faulte d'acoustumance,  
La fait tomber en si grand ignorance,  
Que presumant par beauté empruntee,  
De Iupiter estre la mieux traictée,  
Et desirant plus qu'il ne luy failloit,  
Perdit le bien du trop qu'elle vouloit.  
Par cest exemple, ô amye cuitez  
Telle ignorance, & vous exerceitez.

POÈSIE FRANCOYSE.

Rondeau.

En me taisant mon mal ie dys assez.  
Chere esgarée, yeux de plourer laissez:  
Tout amoly de soupirs que ie iecte,  
Monstrant au doigt le coup de la sagette,  
Qui tous plaisirs a de mon cœur chassez.

Ma playe est griefue, & vous la cognoissez  
Et toutesfois sans secours me laissez,  
Rendre à la mort vne ame à vous subiecte

En me taisant.

S'en mes tourmens vostre ayse pourchassez  
Viennent se ioindre aux presens les passez,  
Vostre plaisir sans rien plus ie souhaite,  
Ce seroit bien œuvre beaucoup mieux faite,  
Guerir les maux que pource ay amassez.

En me taisant.

Rondeau.

Cœur prisonnier, je le vous disois bien,  
Qu'en la voyant vous ne seriez plus mien;

LE RECEVIEL DE

Si i'eusse heu lors le sens de vous entendre,  
Mais qui eust peu deuiner ny attendre,  
Qu'un si grand mal aduint d'un si grand bien?

Puis qu'ainsi est bien heureux ie vous tien,  
D'estre arresté à si noble lyen,  
Pourueu aussi qu'elle vous vueille prendre

Cœur prisonnier.

Mais si vous laissez, aussi ne vous retien,  
Et si sçay bien qu'ailleurs n'aymerez rien.  
Ainsi mourrez, n'ayant à qui vous rendre,  
Dont elle & moy serons trop à reprendre:  
Mais elle plus, que plus vous estes fier

Cœur prisonnier.

Rondeau des Barbiers.

Pauvres Barbiers, bien estes morfonduz,  
De veoir ainsi gentilz hommes tonduz,  
Et porter barbe, or aduisez comment  
Vous gaignerez, car tout premierement  
Tondre & peigner ce sont eas defenduz.

POESIE FRANCOYSE.

De testonner, on n'en parlera plus,  
Gardez, cizeaux & rasoures esmouluz;  
Car de formais vous faut viure autrement

Pauures Barbiers.

Pen ay pitié: car plus Comptes ne Ducz  
Ne peignerez: mais comme gens perduz,  
Vous en yrez besongner chaudement  
En quelque estuue, & là gaillardement,  
Tondre maioinct, & raser priapus

Pauures Barbiers.

Rondeau.

En beau papier ie sçay tant bien signer,  
Sil vous plaitoit (monseigneur) me finer  
Vn cent escuz, par vostre gentillesse,  
Taurois tantost contenté mon hostesse,  
Et m'en yrois soubdain apres disner.

Si vous voulez me faire consigner,  
Ou bien la paye en vn temps designer,  
L'en suis content, pourueu que ie la dressc.

LE RECVEIL DE

En beau Papier.

*Ne cuidez pas que vous vveille affiner,  
Ou cautement vostre argent rappiner,  
Si respondant voulez que vous adresse,  
Ie le veux bien: mais il n'est que promesse,  
Quand on la scait sagement assigner.*

En beau Papier.

Rondeau d'vmbre.

*Vmbre ie suis sans cœur, corps, ne visage,  
Chair sans nerfz, os, volonté ne couraige,  
Telle m'a fait celluy que ie poursuis,  
Hayr le doy: mais par tout ie le suis,  
Viure me fait en mouuant son ymaige.*

*I'ay tout perdu, veoir, ouir, & langage,  
Crainte de pis & desir d'avantage,  
Rien ne me sens, & scay bien que ie suis*

Vmbre.

*L'vmbre de qui? d'vn enfant de vieil aage,  
Qui est vainqueur de tout l'humain lignage,*

POESIE FRANCOISE.

Par qui mes sens sont bruslez & seduictz,  
Sans moy il n'est, sans luy estre ne puis,  
Là ou il est, ie suis à mon dommaige

Vmbre.

Rondeau, Mal sur mal  
estre santé.

Vn mal sur mal (dit on) n'est pas santé,  
D'autant que c'est vn renfort de martyre.  
I'ose pourtant tout le contraire dire:  
Car par le mal, le mal est contenté.

Amour est mal dedans vn mal enté,  
Et semble à tous, qu'amour touſieurs attire

Vn mal sur mal.

Mais en aymant, quoy que soit présenté,  
Ardeur brûlant sur cela qu'on desire,  
Ne doit espoir, attendant y suffire,  
C'est bien assez, pourtant y est planté

Vn mal sur mal.

LE RECEVEIL DE  
Rondeau, sur Chascun soit content  
de ses biens, Qui n'a suffi-  
sance il n'a  
riens.

D'estre content sans vouloir d'auantaige,  
C'est vn tresor qu'en ne peut estimer,  
Auoir beaucoup & tousiours plus aymer,  
On ne sauroit trouuer pire heritaige.

Vn vsurier trouue cela sauuaige:  
Mais vn franc coeur se doit à ce sommer

D'estre content.

Qui veut auoir de richesse bon gaige,  
Sans en ennuy sa vie consumer,  
Pour en vertu se faire renommer,  
Tasche tousiours d'auoir cest auantaige

D'estre content.

Rondeau, sur la deuise de Salel,  
valet de chambre du  
Roy.

Honneur te guide, & te met en hautesse,  
par

POESIE FRANCOYSE.

Par ton grand sens & ta science acquise,  
Ce que tu as retenu pour deuise,  
Et iustement à ce degré t'adresse.

Tu t'es conduyt par tresgrande sagesse,  
Merueille n'est si doncq' en ceste guyse

Honneur te guide.

Apollo fait aux siens ceste promesse,  
Quand à le suyure ilz ont grand peine prinse,  
Tu as prudence en ton escolle apprinse,  
C'est ce qui fait que chez prince & princesse

Honneur te guide.

Rondeau.

Pour vostre amour & mon cœur supporter,  
Le gris & noir à iamais veulx porter,  
Combien que n'est que noir dueil & douleur:  
Mais le gris est esperante couleur,  
Confortatif à tous maulx supporter.

Dueil & ennuy m'ont cuidé transporter,  
Mais bon espoir qui fait amans trotter,  
M'a dit que ie n'auray iamais malheur

D

LE RECEVIL DE  
Pour vostre amour.

S'il est ainsi, il courra bien par aer,  
Et ie viuray sans me desconforter,  
Aueques vous, cent ans ou la valeur:  
Car le desir que i'ay sans cesse au coeur,  
Fera soulcy, & mes maulx auorter,  
Pour vostre amour,

Rondeau.

En attendant quelque responce auoir,  
Par qui, ie puisse assurément sçauoir,  
Si as receu ma familiare lettre,  
M'est prins plaisir ce rondeau te transmettre,  
Te suppliant en gré le receuoir.

Assure moy si as fait ton deuoir,  
De deliurer ma lettre à ton pouvoir,  
A celuy la que tu congnoys permettre  
En attendant.

I'ay grand desir, tant toy que luy renoir,  
Et nul que toy ne peult à ce pouvoir,  
Vueilles toy donc en cela t'entremettre,  
Et faire tant qu'il se vuaille submettre  
A y venir, pour ma ioye esmouvoir  
En attendant.

Fin des Rondeaux.

POESIE FRANCOISE.  
EPITAPHE.

Soubz ce tombeau gis<sup>t</sup> vne sepulture,  
P'entendz vn corps, qui fut son monument,  
Car il n'auoit d'humaine creature,  
Humanité, forme ne mouuement.  
Si eut il bien pourtant l'entendement,  
De craindre vn Roy, & s'il eust sceu fuyr  
Si promptement que sa venue ouyr,  
Il n'eust pas fait à la mort sacrifice:  
Mais ne pouuant de la fuite iouyr,  
A ses amys il laissa cest office.

Dizain.

D'vn qui mesdisoit d'vn autre  
en son absence.

On a(monsieur) de moy mesdit,  
Pour me priuer de vostre grace,  
Gens qui veulent auoir credit,  
En controuuant quelque fallace.  
Si suis ie seur quoys que lon face,  
Que ne croyez legierement,  
Je scay qui fait ce parlement.  
Vn amy m'en à aduerty:

D ij

LE RECVEIL DE

*Mais fasché n'en suis grandement.  
Car ie sçay bien qu'il a menty.*

Du maistre d'hostel, de monsieur de Bœf-  
sieux, qui detractoit  
d'autruy.

*Maistre d'hostel, c'est la maniere  
De s'avancer pour bien flater:  
D'autruy mesdictes en derriere,  
Dewant nous n'osez caqueter,  
Vous triumphez à inuenter,  
Des propos faulx & deshonnestes.  
Pensez (coquardeau) qui vous estes,  
Avant que mon arc ie desbande,  
Pensez d'achepter des cliquettes:  
Car vostre face les demande.*

Dizain.

*L'homme prudent vertueux & bien sage,  
Doit desirer sept lettres de sçauoir,  
Celuy qui veult contre droit & vsage  
Les biens d'autruy, les cinq vouldroit auoir:  
Le pauure aveugle en vouldroit quatre voir,  
Le sourd doubleux est tousiours en souffrance  
Requerant Dieu, sur trois auoir puissance,*

POESIE FRANCOYSE.

Et s'il luy plait leur requeste octroyer:  
Jugez au vray en vostre conscience,  
Lequel de tous luy doit plus grand loyer.

Autre.

Le vin qui trop cher m'est vendu,  
M'a la force des yeulx rauie,  
Pour-autant il m'est defendu,  
Dont tous les iours m'en croyst enuie:  
Mais puis que luy seul est ma vie,  
Maulgré les fortunes senestres,  
Les yeulx ne seront point les maistres  
Sur tout le corps, car par raison,  
I'ayme mieulx perdre les fenestres,  
Que perdre toute la maison.

Autre.

Baiser souuent n'est ce pas grand plaisir?  
Dites ouy, vous autres amoureux:  
Car du baiser vous prouient le desir  
De mettre en vn, ce qui estoit en deux.  
Lvn est tresbon, mais l'autre vault trop mienles:  
Car de baiser sans avoir ionyssance,  
C'est vn plaisir de fragile assurance:  
Mais tous les deux alliez dvn accord,

D ij

LE RECUEIL DE  
Donnen au cœur si grand' esiouyssance,  
Que tel plaisir nient oubly à la mort.

Autre dizain.

Les Cerfz en rup pour les Biches se battent,  
Les amoureux pour les dames combatent,  
Vn mesme fait engendre leurs discordz  
Les Cerfz en rup pour les Biches mugissent,  
Les amoureux pour les dames gemissent,  
Eulx, & les Cerfz feroyent de beaulx accordz.  
Amans sont Cerfz à deux piedz sur vn corps,  
Cewlx cy à quatre, & pour venir aux testes,  
Il ne s'en fault que ruminer les corps,  
Que vous amans ne soyez ainsi bestes.

Dizain.

Le plus grand mal & le plus dangereux  
Que d'vne amye on puisse receuoir,  
N'est pas refus ny congé rigoureux,  
Apres qu'on à d'aymer fait son deuoir,  
Ce n'est aussi estre priué de voir,  
Celle qu'on tient chere comme soy mesme,

POESIE FRANCOISE.

Vn mal y a en amour plus extreme,  
Et qu'on ne peult sans l'essayer comprendre,  
Diray ie quel? c'est quand on est à mesme,  
Et toutesfois on est constraint d'attendre.

Contre amour.

Amour n'est pas vn Dieu, c'est vn magicien,  
Qui enchanter les coeurs, & les scait si bien pren-  
dre.

Soubz couleur de plaisir, & espece de bien  
Que d'eulx mesmes à luy ilz cherchent de se ren-  
dre,

Et alors qu'il les tient en lieu de les defendre,  
Il les trompe & deçoit, & fait que la prison,  
Leur semble liberté, les yurant de poison.  
Dont pis que mort s'ensuyt, doncques il n'est pas

Dieu:

Car vn Dieu n'vseroit de telle trahison:  
Mais l'esprit auenglé luy a donné ce lieu.

Dizain.

I apperçoy bien qu'amour est de nature estran-  
ge.

Difficile à congoistre, & facile à sentir.  
Il se veult approcher, quand de luy on s'estrange,

D iij

LE RECEVAIL DE

Et quand on s'en approche il en faict repentir,  
Le suyure maugré moy me salut consentir,  
Mais soubz bonne esperance il me fut rigoureux,  
Et lors que ie pensoye estre le moins heureux,  
Entre plusieurs ennuyz ie me ry prosperer,  
Ayez donc souuenance, ô tristes amoureux,  
Qu'il faut craindre tousiours, et tousiours esperer.

Huictain contre Amour.

Comme peult on en assurance aller  
Le guide estant bandé en ses deux yeux?  
Or l'est Amour, parquoy ne fault parler  
Qu'il meine bien en chemin spacieux.  
Et fol est l'homme, auenble ou chassieux  
Lequel le suyt quand l'estroict il doibt prendre,  
Tra lon bien apres ce vicius,  
Qui ne peult voir, ou soymesme se rendre?

Dizain contre les mesdisans  
de l'Amour.

Qu'en dictes vous royal filz de Venus?  
Sera ainsi mesprisé vostre empire?  
Seront ceulx la prizez & soustenuz,  
Qu'on veit de vous & des vostres mesdires

POESIE FRANCOYSE.

Si vous souffrez que vostre los s'empire.  
Vous, à qui ciel & terre ont fait hommage,  
Nostre en sera le mal & le dommage:  
Mais vostre dard & le pounoir des dieux  
Seront moins craintz que celuy d'un ymage,  
Pensez y donc & desbendez voz yeuix.

Dizain d'amour.

Puis qu'amour est le Dieu qui fait aymer,  
Je le requiers si au commencement  
M'a este doulx; qu'il ne me soit amer,  
Quand il me doit donner contentement.  
Qui n'a de luy nul bien, n'a nul tourment:  
Mais qui a eu le mieulx qu'on peult atteindre  
L'ayant perdu se doit bien de luy plaindre,  
Et desirer n'auoir iamais eu bien,  
C'est pis que mort, quand tel regret fault plaindre,  
Et en riant dit à tous, ie n'ay rien.

Dizain.

Un boulenger (d'une si gente pasto)  
En eut la fleur bien blanche & desticee,  
Il la paistrit, il en euyt, il en taste,

LE RECVEIL DE

*Laisse son sac, & sa poche lyée.  
Las mais depuis autre la desliée,  
Qui ceste fleur si tressouuent ressasse,  
Que ie suis seur que la farine y passe,  
Dieu gard la fleur, la farine: mais bren  
Pour celuy la qu'auant qu'elle trespassse,  
Sera heureux de n'auoir que le bren.*

Dizain au Roy.

*Touſiours le feu cherche à ſe faire voir,  
Par ſa nature eſtant clair & legier:  
Mais quant on veult à le celer pourueoir,  
Alors il eſt en le cachant trop fier:  
Car tout cela qu'on peult edifier,  
Par luy ſe rompt quand clause eſt ſa puissance  
Mesmes le Dieu qui tout le monde offence,  
N'ose porter ſon feu qu'à descouert.  
Regardez donc ſi forte eſt l'afeurance,  
Qui tient le mien en cœur content couvert.*

Dizain de n'osser descou-  
urir ſon afe-  
ction.

*Force d'amour me veult ſouuent contraindre,  
A declarer mon cœur apertem ent:*

POESIE FRANCOISE.

Mais vn refus (pour honte) tant à craindre,  
M'a tousiours fait vn grand empeschement.  
Mon mal ainsi nourry couuertement,  
Disimulant l'ennuy tant que ie puis,  
D'autre costé du bien que ie poursuys,  
Le subuenir renforce mon martyre.  
Voyez (helas) le tourment ou ie suis,  
Voulant parler, vn seul mot ne puis dire.

Dizain d'vn ialous de s'amye.

Si pour changertant souuent de couleur,  
Rougir, paslir, par grande frenaisie,  
Perdre ponoir, le tant triste malheur,  
Qui te prouient pour estre en ialousie,  
Ie priserois la folle fantasie,  
Quite tourmente en extreme soulcy:  
Mais puis que voys clairement par cey,  
Que ta fin est si tresmal compartie,  
Ause à toy, & recongnois aussi,  
Que bien est fol qui ayme sans partie.

Dizain d'vn qui auoit reuelé  
son secret.

Ie m'estoys plaint à quelque personnage  
D'un qui ne peult chose qui soit celer,

LE RECVEIL DE

Et estois (voyant son bon visage)  
Que ne voulust pour rien me deceler:  
Mais n'a failly à l'autre reueler,  
Ce que n'auois dit de luy en absence.  
Je vous demande, ou trouuez assurance,  
De se fier en l'autre plus qu'en lvn?  
Quand tout est dit, ie croy (ma conscience)  
Que lvn & l'autre en valeur est tout vn.

Dizain pour vn rameau de Pas-  
ques fleuries.

Pour satisfaire à la branche promise  
Ce verd rameau vous est deu iustement:  
Car la verdeur éternelle en luy mise,  
De voz ans verds est vray enseignement.  
Puis tout ainsi que non facilement,  
Se peult icy trouuer arbre semblable,  
Ainsi nul autre est à vous comparable,  
Dont quelle grace en moy pourray ie auoir  
Ne mon present pour estre recevable,  
S'il ne vous plait le bon cœur recevoir?

De ne desister de poursuyure  
son entreprinse.

A scauoir mon, si i'auoys entreprins

POESIE FRANCOISE.

Avec autruy vn mesme cas poursuyure,  
Si (pour cela) deurois estre repris,  
Et en laisser mon entreprinse à suyure:  
Et si quelqu'vn (pour me fermer le liure)  
Me reprochoit que ne faitz droictement:  
A vostre aduis, deuroys ie aucunement  
Laisser mes fins aux sages m'en rapporte:  
Mais toutesfois on dit communement  
Que deux coquins n'ont bien à vne porte.

A vn braue qui menassoit  
chascun.

Gentil muguet, qui tant avez de baue,  
Et vn chascun sans propos menacez,  
Doresnauant ne faites plus du braue,  
Iusques icy en avez fait assez.  
Les gens d'esprit sont à bon droict lassez  
D'ainsi vous voir iargongner à outrance:  
Vous prenez pied à vostre grand puissance,  
Et reiettez tout ce qui vient devant,  
N'y mettez point pourtant vostre fiance,  
Petite pluye abbat bien vn grand vent,

LE RECVEIL DE  
D'vnne qui contentoit ses ser-  
uans de parolles.

Dame vous avez beau maintien,  
Et grand grace en vostre langage:  
Mais tout cela est peu ou rien,  
Si vous ne faites d'avantage.  
I'accorde bien que c'est vn gage,  
De pouoir iouyr quelque iour.  
Si n'est ce pas le parfait tour,  
Qu'il fault pouracheuer l'affaire:  
Pour auoir le deduyt d'amour,  
Vault mieulx peu dire & beaucoup faire.

Amour est mal assuré  
sans argent.

Près d'vn orfeure, vn ieune gentil homme,  
Entretenoit vne bien belle femme,  
D'vn dyamant la galande le somme.  
Le bon seigneur luy respondit: Madame,  
Pour le present argent n'ay, sur mon ame:  
Mais vous l'aurez, & vous fiez en moy,  
Incontinent le recule de foy,  
Et luy monstra visage d'ennemye:  
Ah, dis ie lors, quel exemple ie voy,  
Qui n'a d'argent, il ne peult faire amye.

ESIE FRANCQYSE.

Dizain, d'en ayant ouy nouuel-  
les de la maladie de  
s'amye.

Le messager qui de vous m'est venu,  
M'at tant emply de tristesse & douleur,  
Que pour le mieulx qui me soit aduenu,  
I'ay veu changer tout mon bien en malheur.  
Ah pasle taint, ah mortelle couleur,  
C'est bien raison que mon dueil vous augmente,  
Puis que de pis m'amye se lamente,  
Et que ie sentz en moy son mal accroistre:  
Bien assuré que si plus la tourmente,  
Lon me verra plus que mort apparoistre.

Dizain.

Monsieur fringoit sa chambrieres,  
Pendant que madame dormoit,  
La garse qui la dance aymoit,  
Remuoit bien fort le derriere,  
De ce se sentant toute fiere,  
Luy dit: Monsieur, par vostre foy,  
Qui le fait mieulx madame ou moy?  
Toy, dit il, ou ie sois maudit.  
Sainct Iean, dit elle ie le croy:  
Car ainsi chascun le m'a dit.

LE RECEVAIL DE  
A monsieur le Connestable.

Meur en conseil, en armes redoutable  
Montmorancy à toute vertu né,  
En verité tu es fait Connestable,  
Et par merite & par ciel fortuné.  
Dieu doint qu'en brief du glaive à toy donné,  
Tu face tant par promesse & bon heur,  
Que cestuy là qui en fut le donneur,  
Par ton seruice ayt autant de puissance,  
Sur tout le monde en triumphe & honneur,  
Comme il t'en a donné dessus la France.

Dizain.

Je n'ose pas (monseigneur) vous presser,  
Mesme en cela que sans vous ne puis faire:  
Mais sachant bien qu'à vous fault s'adresser  
Doy ie auoir tort si ie me viens retraire,  
Pour estre fait l'heritier du libraire.  
Je le seray, ie le pren sur ma foy,  
Si le voulez doncques respondez moy  
En beau Latin, fiat vt tu petis,  
Et vous verrez que les liures du Roy,  
Avec le temps en feront de petis.

Dizain,

POESIE FRANCOYSE.

Dixain.

*Vn mary se voulant coucher  
Auecques sa femme nouuelle,  
S'en vint tout bellement cacher,  
Vn gros maillet à la ruelle .  
Or ça mon amy, se dit elle,  
Quel maillet vous voy ie empoigner?  
C'est, dit il, pour mieux vous coigner.  
Maillet, dit elle, n'ay oncq' heu,  
Quand gros Jan me veult besongner,  
Il ne me cogne que du cul.*

Dixain.

*Anne l'autre hyer me iecta de la neige,  
Que ie cuydois froide certainement,  
Mais c'estoit feu l'experience en ay ie,  
Car embrasé ie fuz soubdainement.  
Puis que le feu loge secrettement  
Dedans la neige, ou trouueray ie place,  
Pour fuyr amour? Anne ta seule grace,  
Estaindre peut le feu que ie sentz bien,  
Non point par eau, ou par neige, ou par glace  
Mais pour sentir yn feu tel que le mien.*

E

LE RECVEIL DE  
Dizain,

Robin mangeoit vn quignon de pain bis,  
Par vn matin tout petit à petit,  
Et Marion lors gardant ses brebis,  
Qui ce matin auoit grand appetit,  
Luy dit: Robin donne m'en vn petit,  
Et ie feray tout ce que tu voudras.  
Non, dit Robin, ne lieue ia tes draps,  
Mon pain vault mieux, & ainsi s'en alla,  
Et si l'auoit aussi gros que le bras,  
Ne deuest on pas mener pendre cela?

Dizain.

Vn iour Robin vint Margot empoigner,  
En luy monstrent l'oustil de son ouurage,  
Et sur le champ la voulut besongner,  
Mais Margot dit: Vous me feriez outrage,  
Il est trop gros, & long a l'aduantage.  
Bien, dit Robin, tout en vostre fendasse  
Ie le mettray, & soubdain il l'embrasse,  
Et la moytié seulement y transporte.  
Ah, dit Margot, en faisant la grimace,  
Mettez y tout, aussi bien suis ie morte.

POESIE FRANCOYSE.

Dixain.

En deuisant à la belle Cathin,  
Mon cœur esmeu le feu d'amour sentit,  
Lors ie luy mis la main sur le tetin,  
Pour luy donner vn semblable appetit,  
Ce qui l'esmeut encores bien petit:  
Mais quand ie feiz de ma bource ouuerture,  
Je ne veiz onc plus paisible monture,  
Ne plus ayfée à se ranger au poinct.  
Ainsi,dit elle on me met en nature,  
Sans me venir taster mon en poinct.

Dixain.

Mars & Venus furent tous deux surpris,  
Par Vulcanus couchez dedans vn liet,  
Qui de liens,qu'il forgea,les a pris,  
Puis aux haultz dieux va compter leur delict.  
La viennent tous,lors l'vn d'eux riant dit:  
Mon compaignon,si tu te sens fasché  
De ces liens,dont tu es attaché,  
Je suis content de les porter pour toy,  
Que pleust aux dieux que sans estre caché,  
I'enfsem amyé ainsi aupres de moy.

LE RECVEIL DE  
Dixain.

*Noſtre amitié eſt ſeulement,  
Desconſue & non deſirée,  
Et ſuyura facilement,  
Si par vous elle eſt deſirée.  
Amour qui la fleſche a tirée,  
Deſoulder l'arc a pris la cure,  
Et n'ayez crainte qu'il ne dure:  
Car ſ'il eſt vray ce qu'on afferme,  
L'acier au droict de la ſoudure,  
Eſt plus fort qu'ailleurs & plus ferme.*

Dixain.

*Amour a fait rampenner ſes deux aſles  
Qui ſont trop plus legieres que le vent,  
Des cœurs legiers de maintes damoyſelles,  
Qui dans Paris vont au change ſouuent.  
Si celluy donc qui penſe aller devant  
Eſt le dernier, c'eſt le commun uſaige,  
Il en eſt bien d'uſn eſtrange pennage,  
Qui prengnent train ſelon leur nourriture:  
Mais celles la oublient leur ramaige,  
Qui par vertu ont vaincu leur nature.*

POESIE FRANCOISE.

Dizain.

Amour voyant ma grande loyauté,  
Et le trauail que i'ay eu en dormant,  
A contre moy cessé sa cruaulté,  
Et pourchassé mon seul contentement.  
C'est de m'amye auoir bien promptement  
La iouyssance, ainsi que ie desire,  
O heur plus grand que lon ne pourroit dire,  
Et toy mon cœur qui peuz tant endurer,  
Or ne crains plus enuie & son empire,  
Puis que tel bien est pour iamais durer.

Dixain.

D'en aymer troys ce m'est force & contrainte,  
L'une est à moy trop pour ne laymer point,  
Et l'autre m'a donné si vne attainte,  
Que plus la fuy plus sa grace me poingt.  
La tierce tient son cœur vny & ioint,  
Voire attaché de si tres pres au mien,  
Que ie ne puis que ne me rende sten,  
Ainsi amour m'a mis en ses destroictz,  
Et me soubz metz à toutes vouloir bien,  
Mais ie nesfay à qui le plus des trois.

E iiij

LE RECEVEIL DE  
Response.

*Qui se contente d'vne, en peult auoir plaisir:  
Et qui plus en desire au repentir en vient:  
Car puis que d'vne seule on reçoit desplaisir  
De plusieurs certes plus d'ennuy & mal suruient,  
Quand à vn tel amy peu ou moins en souuient.  
Vne doncq' commanda amour en tous endroitz,  
Voulant que qui luy fert obeysse à ses droitz,  
Sans que vraye amytié soit à plusieurs commune,  
Et congnoistra celuy qui en veult aymer trois,  
Que les trois il perdra s'il ne s'arreste à vne.*

Dizain à quatre Damoysselles, blasmant  
aucun qui ne leur tenoit  
compagnie.

*Merancolicq', triste & pensif ie suis,  
Et sans pouoir en rien prendre plaisir,  
Qu'a fort me plaindre, & pour ce faire suis  
Lieu solitaire, où mieux & à loisir,  
Ie fauorise au mal & desplaisir:  
Duquel regret m'a chascun iour renté,  
Pour me voir loing & de celle absenté,  
Qui de ma vie & mort peult disposer,  
Dont de vous suyure ie me suis exempté.  
Pour mieux mon mal & travail reposer.*

POESIE FRANCOYSE.

Dizain.

Fortune(las) en tant de lieux me blesse,  
Que peu s'en fault que de dueil ne trespassse  
Chascun pent reoir qu'el ne prend fin ne cesse,  
Mais de plus fort me tourmente & pourchasse  
Nouvel ennuy qui les autres efface  
M'a amené, dont ie meurs de douleur:  
Car d'vne siebure trauaille fort ma sœur,  
Et moy du mal que ie luy vois porter:  
Mais si en fin ne prend fin & malheur:  
Ie ne pourray tel eunuy comporter.

Huictain

Bon iour la dame au bel amy,  
Vous estes maintenant contente,  
Et si n'ay plaisir ne demy:  
Car apres vostre longue attente,  
Venu est celluy qui de rente  
M'a laissé fascherie & soing,  
Dieu doint que nul ne s'en repente,  
L'amy se cognoist au besoing.

Huictain.

De moins que rien à peu lon peut venir  
**E iij**

LE RECEVEIL DE

*Et puis ce peu n'a si peu de puissance,  
Que bien ne face à laissez paruenir  
Celuy qui veult aymer la suffisance,  
Mais si au trop de malheur il s'auance,  
Ne recevant d'assez contentement,  
En danger est par sa grande inconstance  
De retourner à son commencement.*

Huidain.

*Ie ne le croy, & le scaay seurement.  
Il est certain, & si est incroyable.  
Peult on auoir chose tant agreable,  
Sans le sentir & scauoir seurement?  
Certes nenny: car le contentement  
En est tant grand, si doux & amyable,  
Que par effect, en songe, ou autrement,  
Ie n'oserois le penser veritable.*

Pour la guerison d'une dame  
bien aymée.

*O heureuse nouuelle, ô desiré rapport  
De la santé, de qui la malladie,  
Estoit fin de plus d'une vie.  
O favorable fort,  
Et plus d'un reconfort,*

POESIE FRANCOISE.

Et toy & mon ame assouvie.  
Qu'attendz tu plus? as tu encor enuie  
D'auoir yn plus grand bien la bas awant la mort?

D'vne Girouette.

Par mon droi et nom, m'appelle Girouette,  
Qui au plus haut de la maison suis mise,  
Tournant au vent comme vne pirouette,  
A tous propos: car telle en est ma guise.  
Je donne aduis de galerne, & de bise,  
Du vent d'aual, de midy sans compas,  
Tout vient à moy, le vent de la chemise  
Souffle trop bas, ie ne le cognois pas.

Huictain.

Or sus amour, puis que tu m'as attaint  
Que n'attaintz tu celle pour qui i'endure?  
Si mon las cœur pleure, souffre & plaint,  
Sera le sien entier & sans blessure?  
Fais luy sentir ta grand force & poincture,  
Et le pouoir de ton dard vigoureux,  
Si nous rendras par egalle mesure,  
Tous deux contens, ou tous deux malheureux.

LE RECEVAIL DE  
Huictain.

A Menelac & Paris ie pardonne,  
L'vn de sa femme importun demandeur,  
L'autre d'amye obstine defendeur:  
Mais du malheur des Troyens ie m'estonne,  
Car s'il falloit que pour belle personne,  
Leur ville fust quelque foys desmolye,  
Perir pour vous ma dame belle & bonne,  
Leur eust esté plus gloire que follie.

Huictain.

Amour craignant de perdre le pouuoir,  
Que luy donnoit sur moy vostre presence,  
M'a fait chercher ce que moins puis vouloir,  
Par l'ennuy seul d'une si briefue absence.  
Vous iugerez cela estre inconstance;  
Mais ce n'est rien que desir trop feruent  
Qui de deux maux, l'vn beaucoup moindre perse,  
C'est ne veoir point ce qu'on veoit trop souuent.

Huictain.

Je ne fais rien que plaindre & souffrir,  
Desirant plus ce que moins pais auoir,  
Et sents mon mal chascun iour empirir,

POESIE FRANCOYSE.

En voyant moins ce que plus ie veux veoir  
Veoir semble peu à qui s'en peut pourueoir:  
Mais i'ay cogneu par vraye experience,  
Que quand on fait en amour son deuoir,  
Il n'est ennuy que l'ennuy d'vne absence.

Huictain.

Si ie maintiens ma vie seulement  
Par ton regard, qu'est ce que ie feray?  
Si tu le donne autrepert ie mourray,  
Et toy bien tost apres certainement:  
Car lors que mort finira mon tourment,  
Te sentiras sans force & sans valeur,  
Puis que viuons lvn par l'autre aysément,  
Moy de ton œil, & toy de ma douleur.

Huictain.

O faux amour decevant par douceur,  
Qui contentez à vostre volonté,  
Plus qu'on ne dit, vous estes vn trompeur,  
Plein de tourment soubz vimbre de bonté.  
De vostre nom mon cœur est effronté  
Car doux il est, à l'ouyr prrononcer:  
Mais tout bien dit, & au vray racompté  
Vostre arc n'est rien que dueil à l'enforcer.

LE RECEVAIL DE  
Huictain à s'amyee.

Vn doux nenny, avecq' vn doux soubz rire,  
Est tant honnest, il le vous faut apprendre,  
Quand est d'ouy si venez à le dire,  
D'auoir trop dit ie voudrois vous reprendre:  
Non que ie sois ennuié d'entreprendre,  
D'auoir le fruiet, dont le desir me poingt:  
Mais ie voudrois qu'en me le laissant prendre,  
Vous me disiez: Amy ne l'aurez point.

Huictain

Puis qu'au millieu de l'eau d'vn puissant fleuve,  
Le verd boucquet par feu est consommé,  
Pourquoy mon cœur en cendre ne se trouue,  
Au feu sans eau que tu m'as allumé?  
Le cœur est sec, le feu bien enflammé,  
Dont la regueur(helas) dont tu es pleine,  
Le revoir souffrir a tousiours mieux aymé,  
Que par la mort mettre fin à sa peine.

Liberté & seruitude, procedante  
d'amour.

Au monde suis libre & serf, tout ensemble,

POESIE FRANCOYSE.

Serf par le sort, & libre de nature.  
Serf suis d'amour, qui tel maistre me semble,  
Que le servir est heureuse aduenture.  
Si lon me dit que c'est chose trop dure,  
Je le veux bien: mais vela ou i'en suis,  
Que plus le sers, plus ma liberte dure,  
Car le seruant liberte ie poursuis.

Dvn qui se vantoit de la grandeur &  
grossier de son membre.

Tu n'as beauté, bonté, ne bonne grace,  
Et ne scaurois entre gens plaisanter.  
D'où prens tu donc vne si folle audace,  
De ton service aux dames presenter?  
Tu ne scais rien, sinon de te vanter,  
Qu'as vn gros membre & long oultre mesure,  
Vai en (vilain) au bordeau contenter,  
L'infaict desir de ton orde luxure.

A Ysabeau.

Ysabeau, lundy m'enuoyastes.  
Vn lieure, & vn propos nouveau:  
Car d'en manger vous me priastes,  
En me voulant mettre au cerueau,  
Que par sept iours ie serois veau.

LE RECEVAIL DE

Resuez vous, auez vous la sieure?  
Si cela est, vray, Ysabeau,  
Vous ne mangeastes iamais lieure.

Dixain.

Non sans raison on condamne & accuse  
L'homme estre ingrat, qui son or cache en terre  
Car ny autruy, ne luy mesme en vse:  
Mais est sans fruiet comme inutile pierre:  
Aussi qui tient grande beaute recluse,  
Outre son gre, manifestement erre,  
Enclorre on doit Ours, & Lyons nuisans,  
Non ces beaux corps à aymer plus duisans.

D'vne vieille.

S'il m'en souvient vieille au regard hideux,  
De quatre dentz ie vous ay peu mascher:  
Mais vne toux dehors vous en meit deux,  
Vne autre toux, deux vous en feit cracher,  
Or pouuez bien tousser sans vous fascher:  
Car ces deux toux y ont mis si bon ordre,  
Que si la terre y veult rien arracher,  
Non plus que vous n'y trouuera que mordre.

POESIE FRANCOYSE.

De Macée.

Macée me veut faire à croire,  
Que requisite est de mainte gent,  
Tant plus vieillist, plus à de gloire,  
Et iure comme vn vieux sergent.  
Qu'on n'embrasse point son corps gent  
Pour neant, & dit vray Macée:  
Car tousiours elle baille arrgent,  
Quant elle veut estre embrassée.

Non estre ingrat des  
biensfaictz.

Il fait grand mal à quelque crediteur,  
Quand il ne peut auoir son payement,  
Encores plus quand veoit son debiteur  
Nyer le prest: car si tant seulement,  
Le confessoit, seroit allegement  
Au crediteur, d'attendre en esperance:  
Mais perdre tout luy est vn grand tourment,  
Qui perd le sien, il perd la patience.

Huietain.

Vostre obligé(monsieur) je me confesse,  
Comme de vous ayant receu grand bien.

LE RECVEIL DE

De vous payer ne vous feray promesse:  
Car ne pourrois en trouuer le moyen.  
Si respondent voulez, je le veux bien,  
Mon cœur respond, & se met en ostage,  
C'est mon tresor, d'autres biens ie n'ay rien,  
Je vous supply le retenir pour gaige.

Huictain.

Le lendemain des noces on vint veoir  
Si l'espouse estoit point la nuyt morte,  
Et si l'espoux auoit fait son devoir,  
Qui dit qu'ouy, & de ce s'en rapporte  
A son espouse, en priant qu'elle en porte  
Vray tesmoignage, & si par amitié,  
Ne l'auoit fait six fois de bonne sorte,  
Ouy bien, dit elle: mais i'en feis la moytié.

A ceux qui vont à la tauerne  
sans argent.

En bonne foy ie ne suis point content,  
Que vous disniez pour vne patenostre,  
Rien ne payrez, & si burez d'autant,  
L'avez vous leu au texte de l'apostre?  
Ne laissez point pourtant de passer oultre,  
N'entrez ceans pour escumer mon pot:

Cap

POESIE FRANCOYSE.

Car i'ay vn vœu qui est contraire au vostre:  
Nul n'y bura qu'il ne paye l'escot.

A vn prometteur sans effect,  
Triolet.

Que me proffite ta promesse,  
Si tu ne me la veux tenir?  
Je suis ainsi qu'un chien en lessé,  
Que me proffite ta promesse?  
Tu me fais de grandz biens sans cesse,  
Pourtant ie n'en voy rien venir,  
Que me proffite ta promesse,  
Si tu ne me la veux tenir?

Quatrains.

Si la beaulté se perit en peu d'heure,  
Faïetes m'en part tandis que vous l'avez,  
Ou s'elle dure semble que ne deuez  
Craindre à donner vn bien qui vous demeure.

Responce.

Si grand beaulté se perit en peu d'heure,  
Aussi fera le desir qu'en avez,  
Ou s'elle dure, helas vous ne deuez.

LE RECVEIL DE  
L'estimer bien, si le mieux ne demeure.

Quatrain.

Tien noz deux coeurs par vn vouloir vni,  
O Cupido qui tes subiectz contente,  
Conforte les en ceste longue attente,  
Ilz sont assez par absence puni.

Quatrain.

On dit qu'amour luy mesmes l'aymera,  
Car il la touche & craint de la blesser,  
S'il en est pris ie croy qu'il forcera.  
Elle d'aymer, ou moy de la laisser.

Je le disois que lon m'a estrange,  
Et pour vn autre à bien grand tort changé:  
Mais i'ayme mieux, faisant mon mal, le croistre,  
Sans que la cause on en puisse congoistre,  
Que par mesdire estre du tort vengé.

Quatrain.

Ton gentil corps en beauté souueraine,  
Au temps passé si Paris eust peu voir,  
N'eust estimé de Venus le poinchoir,

POESIE FRANCOYSE.

Qui luy donna ioyssance d'Heleine.

Quatrain.

Ayez pitié du grief mal que i'endure,  
Pour vous aymer sans me vouloir blasmer,  
Amour vous peult comme moy faire aymer,  
Et du passé faire payer l'vsure.

Quatrain.

Tant plus ie pense estre pres de mon bien,  
Plus i'ay de mal, & moins vault ma priere,  
Et plus m'estraint amour de son lien,  
Moins elle est prise, & plus se tyre arriere.

Quatrain.

Prestez moy vn de ces yeux bien apres,  
A faire aymer scauez que ie feray,  
Incontinent ie vous regarderay,  
Et vous prendray ainsi que m'anez pris.

Quatrain.

Las il m'est force & ainsi ie concluz  
De m'en aller qui grand d'ueil me sera;

F ij

LE RECEVAIL DE

Car ie suis seur que peu vous restera,  
D'amys si bons encores moins de plus.

A vn repreneur.

Pour tout reprendre par malice,  
Tu nous reproches ton fauoir,  
Regarde bien à ton devoir,  
Il n'est si ferré qu'il ne glisse.

Quatrain.

De varier n'en est plus mention,  
C'est vn arrest que les dames ont fait,  
Faisant serment que leur affection  
Sera congneue, en fermeté parfait.

Quatrain.

Ie l'ay chassée, & vn autre la prinse,  
I'en ay le mal, & il en a le bien,  
Elle n'est mienne & ie demeure sien,  
Parquoy ie ditz que i'ay esté sa prinse.

Quatrain.

Les mesdizantz, par leur meschant langage,

POESIE FRANCOYSE.

Ont fort tasché de rompre nostre accord:  
Mais tant s'en fault qu'ilz y mettent discord,  
Que nostre amour en croistra d'avantage.

Marot du faulx bruyt de sa mort.  
Douzain.

**A** My Cremeau, on t'a fait le rapport  
Depuis vn peu, que i'estois trespassé,  
Ie prie à Dieu que le diable m'empore  
Sil en est rien, & se i'y ay pensé.  
Quelque ennemy a ce bruyt auancé,  
Et quelque aniy m'a dit que mal te porte.  
Ce sont deux poinctz de differente sorte,  
Si l'un est vray, c'est vn bruyt bien maußade:  
Quant à celuy qui a fait l'ambassade  
De mon trespass, croys qu'il ment & se mord,  
Et pleust à Dieu que tu fusse malade,  
Non plus ne moins que ie pense estre mort.

Sainte Marthe à Marot, idem.

**I**L fut vn bruyt, ô Marot qu'estois mort,  
Et ce faulx bruyt vn menteur assura,  
Lvn dvn costé se plaignoit de la mort,  
Faisant regret qui longuement dura,  
L'autre par vers pitieux la deplora,

F ij

LE RECEVEIL DE

Tettant soupirs de dur gemissement,  
Moy de grand dueil plorant amerement,  
Duquel estoit ma triste ame saisie.  
Las, dis ie, mort est nostre amy Clement,  
Morte doncq' est Françoysse poësie.

De monsieur le cardinal de  
Tournon.

**L**'Oeil trop hardy, si hault lieu regarda,  
Que le parler n'y oſa oncq' attaindre,  
Le cœur vouloit, mais doublet l'enguarda,  
Non demander:mais seulement se plaindre.  
Et n'ayant ſceu autant dire que craindre,  
Il demeuroit en ſon piteux tourment:  
Lors l'œil ſentant cœur & parolle eſtaiſtre,  
Dit qu'il fera l'office de complaindre,  
Puis que du mal fut premier fondement.  
La commença tant de larmes eſpraindre,  
Que lon congneut ſon dueil qui ne peult faindre,  
Et de la eut de cœur allegement.

Sizain.

Te vous ſupply fortune & variable temps,  
Arreſtez voz effors:car ce que ie pretendz  
N'eſt ſubiect par oublie,par longueur,ny absence,

POESIE FRANCOYSE.

Obeyr au traueil de vostre grand puissance.  
Puis que content vouloir fait viure l'esperit,  
Contentez vous du corps, si par vous il perit.

Dvn Vsurier, Virelay.

**L**As ne voy tu pas,  
Le perilleux pas  
Ou te vas fourrer  
C'est vn pauure cas,  
Pour quelques ducas,  
Ainsi t'embourrer  
Tu te voys errer,  
Et droit t'enferrer,  
Mais abuse tu n'en fais compte:  
Pense à te serrer,  
Et te desserrer,  
Pour à la fin rendre bon compte.

Autres nouvelles inuentions faites  
par plusieurs poëtes.  
De Pauline.

Pauline est riche, & me veult bien  
Pour mary, & ie n'en scay rien:  
Car tant vieille est que i'en ay honte.  
S'elle estoit plus vieille du tiers,

LE RECVELL DE  
Je la prendrois plus voluntiers:  
Car la despeche en seroit prompte.

De la nouuelle facon de porter ba-  
gues aux aureilles.

Ne tenez point estrangers à merueille,  
Qu'en nostre court chascun maintenant porte  
Bagne ou anneau, en l'vne ou l'autre aureille:  
Car de vieil fait, vient ceste neufue sorte.  
Voyant iadis Hercules nostre forte  
Et ample Gaule, invincible par main,  
La sçent gaigner par son langage humain,  
Dont il acquist le bruyt d'auoir mené  
Ce peuple Grand par l'aureille enchesné:  
Mais nous deuons au Roy plus grandz louenges  
Car le ciel seul l'a à vaincre ordonné,  
Les siens par langue, & par main les estranges.

Enuoy à vne damoyselle, qui auoit  
osté vn pourtrait.

**R**Enuoyez moy le tableau que scauez  
Par ce porteur, au moins si vous l'avez  
Ou faites tant que le puissiez retraire:  
Car à present, i'en ay bien fort affaire  
Pour le repaindre, & faire retrasser.

POESIE FRANCOYSE.

*Auant qu'il soit acheneé d'effacer.  
Non qu'un pourraict ne vous deust faire enuie,  
Quand vous avez le personnage en vie,  
De qui pouez mieulx finer & iouyr,  
Que d'un tableau qui ne peult rien ouyr.  
Lequel pourraict s'il ne rcuient à moy,  
Et que pour luy vous rompiez vostrefoy:  
Croyez aussi qu'au lieu du personnage,  
Vous demeura seulement vne ymage.*

Recepte.

*Recepte pour vn flux de bourse,  
Couchez vous avant qu'il soit nuict,  
Dormez tousiours, & pourquoy? pourcez  
Car en dormant rien ne vous nuyt:  
Mais si vous aymez le deduict,  
D'habiter la belle au corps gent,  
Par nostre dame il fault argent.*

Le trophée d'amour.

*A Mour a fait son trophée eriger,  
Marque & tesmoin de ses faitz & victoire,  
Cil en qui est l'vnivers diriger,  
Et les humains deffaillantz corriger,  
Y a laissé sa fouldre en nue noire.*

LE RECEVIL DE

La sont pendans pour enseigne & memoire,  
Divers escuz de Mars qui prend à gloire,  
Le sang espandre & regnes affliger,  
Neptune y voit son trident arrenger,  
Et Hercules sa masse meritoire,  
Phœbus son arc & sa trouffe d'yuoire,  
Bacchus ses dardz & instrumens à tout,  
Y a renduz & souffert rediger,  
O fel mortel, caduc, & transitoire,  
Voyant les deux seruir de telle histoire,  
Vouldrois tu bien ymaginer ou croire,  
Qu'eusse pouoir d'eschaper ce danger?

**D**Onner vous veux certaine connoissance  
Du larronneau aveugle & dangereux,  
Quād vous verrez par tout trotter les yeux  
Rire & plorer, oultre l'acoustumance,  
Quānd vous verrez sans propos en tous lieux  
Rire & plorer oultre l'acoustumance.  
Quānd vous verrez soupir en abondance.  
Taire souuent, ou parler vauldra mieux.  
Quānd vous verrez faillir en patience,  
Par vn penser, puis triste, puis ioyeux,  
Quānd vous verrez passetemps curieux,  
Estre cherché d'un qui triste se pense.  
Quānd vous verrez habitz noirs ennuyeux,  
Estre portez d'un qui ayme la dance.

POESIE FRANCOYSE.

Quand vous verrez voire sans repentance,  
Pour bien mentir iurer cent mille dieux.  
Quand vous verrez honneur & conscience,  
Fuyr bien loing avecques la raison.  
Vous deuez lors inger par apparence,  
Que le larron est dedans la maison.

Vnzain.

Si deux tesmoings contre vn seul on doit croire  
Il est donc vray ce que plus ie desire:  
Car i' apperçoy chose claire & notoire  
Dans voz deux yeux, quoy que me vueillez dire:  
Mais le parler pour croistre mon martyre,  
Veult dementir voz veritables yeux,  
En m'assurant que rien dessoubz les cieux,  
Tant soit parfait, ne fait qu'amour vous touche  
Iusques au cœur, ma dame dites mieux,  
Ou voz deux yeux par regard gracieux,  
Contrediront vostre cruelle bouche.

Vnzain.

Le ciel voyant que ie suis constraint faindre  
Vne douleur, qui est plus qu'importable  
Deuant voz yeux, mon dueil a voulu paindre  
Prenant pour moy sa face lamentable.

LE RECVEIL DE

Croyez le donc, car il est véritable,  
Et comme en luy voyez grand violence,  
De pluye & ventz, trop plus grande abondance,  
D'aspres soupirs & de larmes mortelles,  
Me font mourir ayant en souuenance,  
A tout le moins quand durant mon absence,  
Au ciel lirez mes piteuses nouvelles.

Dizain.

Triste œil menteur qui pour me decepuoir,  
M'avez de luy fait vn mauuais rapport,  
Le m'assurant seulement par le voir  
Leal & seur, helas vous avez tort:  
Car vous estes cause de dure mort,  
Veu que par vous i'en ay pris accointance,  
Et mis ma foy: mais ie voy sans doubtance,  
Qu'il n'a vse que d'un amour fardé.  
Pleurez mon œil autant par penitence,  
Que vous l'avez par amour regardé.

Dizain.

Sans vous ouyr i'entendz bien que vous dites  
Ou pour le moins que vous mesmes pensez,  
Que voz biensfatz surmontent mes merites,  
Et que mes maulx sont trop recompensez.

POESIE FRANCOYSE.

*Las entendez madame, & congoissez  
Que vous pouez mes maulx compter par ans,  
Et moy voz biens seulement par momens.  
Ne comptez fors les maulx, & me laissez  
Compter les biens, quand il en sera temps,  
Je diray lors, madame c'est assez.*


Dizain.


*Puis que l'on voit (ô Françoys) nostre Roy,  
La teste nue, en la main vne torche,  
Humilié pour l'honneur de la foy,  
Ou est le cœur fust il plus dur que roche,  
L'homme tant plein de blasme & de reproche,  
Qui ne voulsist comme luy qui est maistre,  
Celuy qu'il tient pour seigneur recongnoistre,  
Et adorer l'hostie salutaire?  
O nous heureux autant qu'on le peult estre,  
D'auoir vn Roy qui nous monstre à bien faire.*


FIN DV RECVEIL DE


POESIE FRANCOYSE.

MA D'URGELAT DE  
L'ISLE D'ESPAGNE




















Partie Couloirs

~~V + 75~~

5050.51

ART POETIQUE  
FRANCOYS, POUR L'IN-  
struction des ieunes studieux, &  
encor peu auancez en la  
Poësie Francoysè:

AVEC LE QVINTIL HO-  
ratian sur la defense & illustration  
de la langue Francoise.

Auquel est inseré à la fin vn recueil de  
Poësie Francoise, pour plus facilement  
entendre ledict art.

*Ex libris gen. fulicantis  
H. Berardi*



A PARIS.  
Par la veufue Françoys Regnault, à l'En-  
seigne de l'Elephant.  
1555.

*Yel*

СЛАВОЯ ТЯ  
УЧАЮСЬ СХОДУЩИ  
Бытие виши



## AV LECTEUR.

**C**E que tu liras icy, lecteur, es-  
crit en ta faveur touchant la  
bōne part de ce qui appartient  
à l'art de la Poësie Françoyse,  
n'est autre chose qu'un tesmoi-  
gnage de ma bonne volonté.  
Volunté (dy-ie) que i'ay grande long temps  
a de voir, ou moins d'escriuans en ryme, ou  
plus de Poëtes François. Lesquelz voyant  
auilez, & quasi en sepuelis soubz l'obscure  
troupe de ces telz quelz escriuants, ne me suis  
peu garder d'escrire : afin que ces gentilz ry-  
meurs par la connoissance de l'art qu'ilz  
pourront prendre de mon escriture, se gardent  
d'escrire, s'en connoissans biē loing reculez :  
ou s'ilz continuent d'escrire, qu'ilz le facent  
avecques l'art. Gaignant lvn de ces deux  
poins, avec tant peu que tu voudras de ta fa-  
veur & bonne grace, ie me tiendray assez re-  
compensé de mon tout tel quel labeur : voire,  
fust il plus grand de moitié : A Dieu.  
A Paris le vingtseptiesme de Iuing. L'an  
de salut. 1548.

A ij

A L'ENVIEVS.

Qu'ay-je esperé de ce tant peu d'onurage,  
Que ma plume a labouré cy dedans?  
Honneur? nenny: ie suis trop ieune d'ans  
Pour le gaigner de sçauoir d'avantage.  
Profit? non plus: de tout tel labourage  
Auiourd'huy sont les fruis peu enidens.  
T'enseigner? moins: ie sçay tes yeux ardens  
Ne s'escarcir de tant vmbreux nuage.  
Quoy donc? te plaire, entreprendant monstre  
Quel vouloir i'ay de voir garder les Muses  
Entre François leur naine douceur.  
Et le monstrant si i'ay peu renconter  
Chemin pour y venir, que tu en rses:  
Si non, que tu en monstres un plus feur.

PREMIER LIVRE DE  
l'art poetique François.

De l'antiquité de la poesie, & de  
son excellence.

CHAPITRE I.

Ous les ars sont tant con-  
ioincts avec ceste diuine  
perfection que nous appel-  
lōs Vertu, qu'oultre ce que  
ilz ont assis leur fondemēt  
sur elle comme pierre quarrée & ferme,  
encor ont ilz emprunte d'icelle leur ver-  
tueuse appellation. Et pourtant ceux qui  
ont dit que la vertu & les ars sourdoient  
d'vnne mesme source, c'est à dire de ce pro-  
fond abyme celeste ou est la diuinité, ont  
bien entēdu que la felicité de cōgnoistre  
les choses & la perfectiō de les bien faire,  
auoient tout vn mesme effet. Aussi est-ce  
que nous appellons science (mere à vray  
dire & nourrice de l'œuure vertueux ) i i Geneſe,  
choſe propre à la diuinité : & de ceste chapitre  
science l'art est tāt prochain & fraternel, quatrième  
que les prenāt vn pour autre, on ne seroit  
de guere abusé. Et certes comme en tous  
les arts ceste estincelle du feu diuin à l'ap-

A iiij

ART POETIQUE.

2 Vergil. procher de l'esprit son semblable, 2 rend  
Eneid. 6. lumiere par laquelle ell' est euidemment  
lib. cognue: aussi en l'art poetique (me soit  
3 Euthou permis de nômer art, ce que plus propre-  
siasme. ment i'appelleroye diuine inspiration 3)  
4 Cicerô reluit elle entre plus viue & plus appare-  
en l'or. te splendeur: Car le Poëte de vraye mar-  
pour Ar que, ne chante ses vers & carmes autre-  
chias le ment que excité de la vigueur de son  
Poëte. esprit, 4 & inspiré de quelque diuine in-  
5 Platon spiration. Pourtant appelloit Platon 5 les  
au dial. Poetes, enfans des dieux, le pere Ennius 6  
10 & au les nommoit sains, & tous les sçauans les  
liure 2. de ont tousiours appellez diuins, 7 comme  
la repub. ceux qui nous doiuent estre singuliere-  
6 Ennius ment recommandez, à cause de quelque  
en Medée don diuin, & celeste prerogatiue, laquel-  
7 Virgi. le est clairement monstrée par les nôbres  
Eclo. 5 dont les poetes mesurêt leurs carmes, par  
8 Nôbres perfectio & diuinité 8 desquelz soustient  
de Pytha & entretient l'admirable machine de cest  
goras au vniuers, & tout ce qu'elle clout, & con-  
Timée de tient. Mais qui pourroit raisonnablement  
Platon. affirmer que la poesie fust de nature &  
1. Cice. en de premiere naissance, sans estude, doctri-  
l'oraison ne ou precept, 1 autrement que diuine-  
pour Ar ment, donnée? Car ce qu'en Poesie est  
chias. nommé art, & que nous traictons comme

art en cest opuscule, n'est rien que la nuë  
escorce de Poësie, qui couvre artificiellement  
sa naturelle seue, & son ame naturellement  
diuine. Laquelle encor de son origine & premier usage, & de la continua-  
tion d'iceluy iusques au present nostre  
siecle, te sera tant apertement montrée,  
que tu penseras te faire plus de tort qu'à  
elle, luy niant sa diuinité.

Moïse premier diuin prebstre, pre-  
mier conducteur du diuin peuple, & pre-  
mier diuin Poëte, apres auoir triumphé  
du danger de la mer rouge, & de la cruelle  
malice de l'Egyptien Pharaon, 2 chan-  
ta-il grace & louenge à Dieu autrement  
qu'en vers poëtiquement mesurez ? De-  
puis luy, Dauid chanta-il ses Psalmes, 3 Au-  
ture des Salomon ses Proverbes, 4 les trois en-  
fans en la fournaise leur Cantique, 5 les  
Prophetes leurs predictions, 6 Hiere-  
mie ses lamentations, 7 autrement qu'en  
mesure versifiée ? Mais, ie te pry, le-  
cteur, les chanterent ilz tous, autres  
qu'inspirez de l'esprit de Dieu ? Ces O-  
racles sont tant certains & asseurez de di-  
uinité, que le doute n'y a que mordre. Et  
les responses que rendoyent aussi entre  
les Grecz ApolloPythie & Delphique, 1. chap. 56  
A iiiij

Exode chap. 15.  
Psalmes.  
Aus Prou. de  
Salomon.  
Daniel chap. 3.  
Esaié chap. 36.  
Aus Threnes de Hiere  
mie.

1. Plini  
liure 7

ART POETIQUE

1 Pline Themis , & autres telz Dieux & Deesses  
liure 7 par les bouches de Phemonoë , Deiphobus  
chap.56. bē , & autres telles Sibylles estoient en  
2 Hora- vers:z & si elles n'ont telle assurance de  
ce Diētē diuinité que les Oracles susditz , si en ont  
per carmi elles tant grande apparence , qu'en a esté  
na sortes . apparente l'opinion de ces diuins espritz  
Virgil. 6. Grecz & Latins.

Aeneid. Les Romains mesmes des le commen-  
Folijs ne cement de leur ville , regnant Numa  
carmina Pompilius , firent chanter à leurs Salies  
manda. prebstres de Mars 3 louanges & suppli-  
3 Tite Li- cations aux dieux , mesurées en carmes  
ne premi- poétiques , lesquelz en la continuation  
er liure de de leurs ceremonies ont été toufiours  
puis lavil harmonieusement chantez en leurs tem-  
le fondée. ples & sacrifices . Nous aussi qui tenons  
le vray charactere de la diuinité , chan-  
tons la pluspart des louanges & prières  
que nous dressons à Dieu & ses saintz ,  
en vers & carmes mesurez . Et puis pour-  
ra nier aucun aux Poëtes leur diuine  
precellence ? Laquelle cogneuë par les  
monarques & souuerains seigneurs des  
hommes , & des terres , voyans & oyans  
dire qu'un Mercure , un Apollo , un Ariō ,  
4 Les Poe un Amphion , un Orphée 4 par la dou-  
tes en plus cœur de ses vers chantez auoit illustré la

gloire des plus haults & puissants dieux, sieurs en-  
prirent ensemble énuie de s'egaller aux droitz.  
dieux, & estre comme eux louez & co-  
gnuz à la posterité par le carme des Poe-  
tes. De la Homere, de la Hesiode, de la  
Pindare, resentirent entre les Grecz,  
admiration & louange de leur diuine  
versification, & tous ceulx qui suyuans  
leurs traces ont esté depuis entre les  
Grecz honnorez Poëtes. De la Liuius  
Andronicus, de la le pere Ennains, de la  
le plaisant Plaute trouuerent nom & fa-  
ueur entre les Rommains, & apres eux  
Virgile, Ouide, Horace, & autres in-  
finiz, furent enrichis, fauoris, & hon-  
nerez à Romme des Cesars, des Sena-  
teurs, & du peuple. Et depuis la Poësie  
ayant ia trouuévn des plus haults degrez  
de son auancement, dont la fureur des  
guerres l'auoit abaissée, se releua entre  
les Italiens, retenans encor quelque ve-  
stige de ce florissant empire par le mo-  
yen d'un Danthe & d'un Petrarque. Puis  
passant les mons, & recogneuë par les  
Françoy aux personnes de Alain, Ieā de  
Méun, & Iean le Maire, diuine de race, &  
digne de royal entretié a trouué n'ague-  
res soubz la faueur & eloquence du Roy

ART POETIQUE.

Françoy s premier de nom & de lettres,  
& maintenant rencontre soubz la prudé-  
ce & diuin esprit de Henry Roy second  
de ce nom, & premier de vertu, telle ve-  
neration de sa diuinité , que l'esperance  
est grande de la voir dedas peu d'ans Au-  
guste . Emeu d'affection que i'ay de voir  
telle, & luy voulant auancer du peu que  
i'ay de puissance , ie m'en vay montrer à  
toy , (lecteur studieux de la Poësie Fran-  
çoyse, mais encor peu auancé en icelle,)   
tout ce que fait à l'art de ce qu'on appelle  
le Ryme, le plus clerement & breuement  
que faire se pourra.

Q u'est ce que le François doit appeler  
Ryme.

CHAP. II.

L 'Ancienne pauureté de nostre langue  
Françoyse, ou l'ignorance de noz ma-  
ieurs, a fait, que ce que le Latin en la  
fleur de sa lague appelloit, carme ou vers  
& que le Grec deuant luy auoit nommé  
metre , proprement & doctement tous  
deux, a esté en l'exercice & en la lecture  
de la Poësie Françoyse vulgairement ap-  
pellé iusques à presēt Ryme. Si tant passa-  
blement qu'il se puisse tolerer, certes moins  
proprement que le mot, Ryme, (que som